

中  
州  
金  
石  
攷

中州金石攷卷六

北平黃叔璥王國輅

河南府

洛陽縣

商丁舉爵

鐘鼎款識傳古云王玠得古爵於洛而名之曰  
丁舉字畫古拙丁亦商君之號其為商器無疑

漢丞相長史朱買臣墓銘

府志東封之歲洛陽平御路北市東南  
隅得石通漢丞相長史朱買臣墓誌銘

洛陽令董宣廟碑

弇州山人集碑前有四字篆書漢董宣傳傳作中楷結法  
俱精雅有方圓意而不具人姓名當是唐能書者書之也

金石補遺碑漢董宣傳八分

書無年月在洛陽董公祠內

### 雒陽左尉橋玄碑

交趾都尉胡夫人黃氏神語

一作誥建寧二年蔡邕撰

文云太夫人年九十一薨於太傅府是月辛酉公之季子陳留太守頌卒於雒陽左池里舍十月既望望日葬於雒陽東界關亭之阿濟陽故吏舊民中常侍勾陽于肅等二十三人思德慕化推本護銘著斯碑石是為神語

陳留太守胡公二碑

建寧二年蔡邕撰

### 司空殘碑

金石錄漢司空殘碑政和乙未歲得於洛陽天津橋之故基首尾已不完所存四十五字字畫奇偉其詞有云命爾司空余回爾歸於此乃當為二公惜其不見名氏也碑陰有故吏題名百餘人尤完好筆法不減蔡邕石經云

隸續司空碑存五行行九字皆銘詩也字徑二寸餘雄健清新蓋漢法之神器

# 雒陽宮殿門題

水經注漢世洛陽宮殿門題多是大篆言是蔡邕諸子自董卓焚宮殿魏太祖平荊州漢吏部尚書安定梁孟皇善書師宜官八分體求以贈死太祖善其法常愛龍之以為勝宜官北宮勝題咸是鸛筆南宮既建明帝令侍中京兆韋誕以古篆書之皇都遷洛始令中書舍人沈含譽以隸書書之景明二始之年又敕符節令江式以大篆易之今諸桁榜題皆是式書

## 雒陽橋右柱銘

水經注洛陽建春門右橋建石石柱橋之右柱銘曰陽嘉四年乙酉壬申使中謁者魏郡清淵馬憲監作石橋梁柱

## 儒鼎文

鼎錄靈帝熹平元年鑄一大鼎埋之鴻都門其文曰儒鼎吉書

## 太學石經

熹平四年蔡邕書

水經注靈帝光和六年刻石鐫碑載五經立於太學講堂前悉在東側蔡邕以熹平四年與五官中郎將堂谿典光祿大夫碑議即張馴韓說太史公置殿等

奏求正定六經文字靈帝許之豈乃自書丹於碑使工鐫刻立於太學門外及碑始立其觀視及筆寫者車乘日千餘兩填塞街陌矣今碑上悉銘刻蔡邕等名魏正始中又立古篆隸三字石經初傳古文出邯鄲淳石經古文轉失淳法謝之於堂西石長八尺廣四尺列石於其下碑石四十八枚廣三十丈陸機言太學贊別一碑在講堂西下列石龜碑載蔡邕請置堂爲典等名太學弟子贊復一碑在外門中今二碑並無石經東有一碑是漢順帝陽嘉六年立碑南面刻頌表裏鑿字猶有不破但世代不同石經論缺存毀幾半駕言求久諒用無焉

廣川書跋蔡邕鐫刻七經著於石碑經三十年兵火繼遭碑亦損缺魏正始中又立一字石經相承以爲七經正字後魏武定四年移洛陽漢魏石經於鄴魏末齊神武自洛陽徙於鄴鄴河陽河岸前漢於水其得五石者始不得其半周大衆中詔徙鄴城石經於洛時爲軍人破毀至有竊散還鄴者船漂沒溺下勝其衆也其後得者盡破爲橋基隋開皇六年自鄴京載入長安置於秘書內省意欲補輯立於國學會孔達蔡邕造之司馬遷其書與魏石經無異收聚之十不一存其相承傳拓之本猶在私府當時考證至詳謂不虛也如馬融數輩相與成之然漢隸簡古深於法度亦後世不及故蔡邕存之趙彞曰唐造防秋館時穿地多得石經故洛中人士迄今有之考當時所得已足漢世所遺沒而得者國初開地唐御史府得石經十餘石此又唐末洛沒之所出也金石文字記合考傳記不同有四一曰漢五六七經之不同二曰魏石經三體一體之不同三曰堂西所立石爲魏爲漢之不同四曰後魏所存石諸經之不

周後漢書本紀儒林官者傳皆云五經然豈張馴傳則以為六經隋書經籍志又以為七經此言漢五六七經之不同也衛恒傳言魏初傳古文者出於邯鄲淳至正始中立三字石經轉失淳法因科斗之名更效其形水經注亦云三字石經在堂西而伽藍記以為表裏隸書隋書經籍志則謂之一字石經矣然則所謂效科斗之形而失淳法者安在耶此言魏石經三體一體之不同也伽藍記二十五碑為三種字四十八碑表裏隸書水經注謂漢碑在堂東側而四十八碑為魏經在堂西乃雜陽記不言東側有碑而云堂前有四十六枚上有馬日碑蔡邕名又不言字之為三體一體無乃井水經之所謂魏者而指之為漢與此言堂西所立石為魏為漢之不同也伽藍記周易尚書公羊禮記四部雜陽記則多一論語而趙明誠金石錄言其家所收又有詩儀禮荀非其傳拓之本出於神龜以前則不應以宋人之所收而魏時猶未見也此言後魏所存石諸經之不同也凡此皆不可得而詳矣

邑志漢石經碑蔡邕書刻石北魏馮熙常伯夫毀取以建浮屠精舍遂大頽落入經宋時移入汴梁太學中靖康初金人入汴移入燕京後遂失考

## 五君栢梓文

東觀餘論在

洛陽上清宮

隸續黃長康作洛陽九詠其瞻上清一篇中云栢梓五兮石栢九饗西后分服東后注云宮中有石上列圓穴五楹穴九俗謂之九卵石側各有題記曰太老

君真人君仙人君東海君西海君字與漢人隸法同宣和殿藏碑錄以為漢碑而名之曰真人君石磚刻與四老神祚机刻石同快其文惟太老君三字最大蓋導老子也西海君六字却似晉人筆札豈鐫刻有工拙乎

### 太尉劉寬二碑

一故吏李譙立一門生商苞立俱中平二年

集古錄漢太尉劉寬碑有二其故吏門生各立其一也題名在故吏所立之碑陰其別列於後者在寬子松之碑陰也寬以漢中平二年卒至唐咸亨元年其裔孫湖城公爽以碑歲久皆仆於野為再立之并記其世序

金石錄漢太尉劉寬有二碑此碑據藝文類聚乃桓麟撰後碑不知何人所為然字體則同也

東觀餘論在上東門外官道北洛陽尉史園中近世好事者亭以覆之目其亭為寶刻蓋以是碑為蔡中郎書故名焉二碑陰各有題名于後無碑下想文饒之高風玩中郎之妙楷與歐陽信本觀索靖書碑坐卧不能去何以異云

漢隸字源劉寬後碑在西京洛陽縣與前碑文亦相犯門生商苞作

### 劉寬神道

隸引云劉寬神道二刻其一曰漢太尉劉公諱寬字文饒其一曰漢太尉車騎將軍特進昭烈侯劉公神道字法與正碑相類自昔訪石刻者惟知上東門外門生故吏兩碑耳俱不知更有此碑碑圖云劉寬神道二刻隸字各二行其上皆有螭左右相向其下有一獸之面兩旁頗不具

### 大石嶺山堂碑

中平六年

水經注大石嶺開山圖所謂大石山也山下有大石嶺碑河南隱士通明以靈帝中平六年八月戊辰於山堂立碑文字淺鄙殆不可尋山在洛陽南而劉澄之言在洛東北非也

### 魏典論六碑

魏志文帝作典論明帝立詔三公曰先帝昔著典論不朽之格言其刻石於廟門之外及太廟與石經並以求示來世

### 曹真祠堂碑

述征記曹真祠堂在北邙山刊石既精書亦甚工

### 晉辟雍行禮碑

太始二年



征南大將軍宋均碑

水經注馬懷橋長水出新城西山東運晉使持節征南將軍宋均碑前均字文平縣人也其碑太始三年十二月立

按方輿紀要新城在府南七十五里漢置新城縣屬河南府晉因之

千金渠石人脇下文

太始八年

金石古文載東脇下文不載撰書姓氏西脇下亦有刻文不錄

太原寺埽浮圖石銘

洛陽伽藍記銘云晉太康六年歲次乙巳九月甲戌朔八日辛巳儀同三司襄陽侯王濟敬題

王大令桓山碑

字徑四寸

錄帖王大令殘碑桓山頌賦之銘六字梁天監元年雖陽修所得之土中考其事或是求初十二年秋桓溫破姚襄事此碑碎裂不全止存此六字耳

王司徒墓銘

見開記東都殖業坊十字街有王戎墓隋時釀酒家穿其旁作窖得銘有晉司徒尚書令安豐侯王戎數百字

廣川書跋南朝王戎墓銘凡數百言其

首書晉司徒尚書令安豐元公之銘

## 元魏苗茨碑

洛陽伽藍記柰林南有石碑一所魏明帝所立也題云苗茨之碑高祖於碑北作苗茨堂永安中年莊帝馬射於華林園百官皆來讀碑疑苗字誤國子博士李同軌曰魏明英才世稱三祖公幹仲宣為其羽翼但未知本意如何不得言誤也銜之時為奉朝請因即碑曰以高覆之故言苗茨何誤之有衆咸稱善

## 千金塢石人銘

洛陽記千金塢舊堰穀水魏時更修此堰積石為塢而開溝渠五所謂之五龍渠渠上立塢塢之東首立一石人腹上刻勒云太和五年二月八日庚戌造築此塢更開溝渠此水衝渠止其水助其堅也必經年歷世是故部立石人以記之云爾蓋魏文帝修王張故蹟也塢是都水使者陳協所造也

## 石佛六碣

一太和七年新城縣功曹孫秋生造像記五廣達撰蕭顯楷書一太和口年遊激校尉司馬解伯達造像記一敬善寺石像銘

參軍李孝倫撰一安成縣開國子仇池楊大眼為孝文帝造石像頌一陸渾縣功曹魏靈藏造石像頌年月未詳一太和口口年造書皆陽文金石遺

文作魏始平公石像記太和十二年九月今安戎陸渾始平三碣尚存

### 三體石經左傳遺字

漢隸字源水經云魏正始中刻碑今在洛陽皇祐癸巳蘇望所刻趙云蔡邕書古文篆隸三體鐫石立於太學今不存近於故相王文康家得左氏傳楊本取其完者刻之凡八百一十九題曰石經遺字

### 永寧寺碑

熙平元年常景撰

### 正始寺碑

永熙元年

洛陽伽藍記正始寺有石碑背上碑中崔光施錢四十萬東宮侯李崇施錢二十萬自餘百官各有差永熙元年詔中書侍郎魏收為寺碑文

### 望先寺碑

法子丹書

### 景林寺銘

盧白頭撰

洛陽伽藍記寺中置板道積舍靜行之僧結伽數息有石銘一所國子博士盧白頭為其文白頭一字景裕范陽人也

東魏大覺寺碑

碑陰韓勣隸書

金石錄大覺寺碑在洛陽碑陰題韓勣書據北史勣魯郡人工正書神武用為  
碑上以數彭城景思王攸當時碑碼往往不著姓氏勣以書知名故持自著之  
也碑陰題銀青光祿大夫臣韓勣隸書蓋不指字也庾有吾曰隸書今之正  
書也張懷瓘六體書論亦云隸書者程邈造字皆真正亦曰真書自唐以前皆  
謂楷字為隸至歐陽公集古錄誤以八分為  
隸書自是舉世凡漢時石刻皆目為漢隸

北齊馮翊王平等寺碑

金石錄碑云寺魏廣平王懷所立永平中造定光銅佛一區高二丈八尺屬魏  
季像在寺外木果移入其後齊高祖過洛始遷像入寺至馮翊王潤又增修殿宇  
馬洛陽伽藍記云孝昌三年十二月中此像而有悲容兩目垂淚三日而止其  
後爾朱榮北海王爾朱兆入洛陽像皆悲泣如初每經神驗朝野惶懼其事甚  
異而此  
碑不載

龍門山造像記

武平六年

金石文字記後魏胡太后崇信浮屠鑿崖為窟中刻佛像大者丈餘凡十餘處  
後人踵而為之尺寸可磨悉錫佛像惟武平六年者書法差可畫方格如碁局

而其半亦已磨滅唐人則多總章以後及武后年號乃知魏齊唐三代之時無非女主為之崇飾耳

### 洛州老人佛龕碑

金石志書已漫漶碑未有大  
并口口年正月廿一日字

### 隋龍門山造像記

開皇九年

### 唐龍門山三龕記

貞觀十五年岑文本撰褚遂良書

集古錄唐起居郎褚遂良書三龕記字畫尤奇倖在河南龍門山夾伊水東西可愛壁間鑿石為佛像後魏及唐時所造惟此三龕像最大乃魏王泰為長孫皇后造也

金石文字記龍門山鐫石為佛像無慮萬計石竄最大者今名賓陽洞像尤高大洞外石崖高處有刻字拓之得二十餘行首尾不具不知年月姓名按集古錄有三龕記今拓本有上修龕等語又有左武侯大將軍

拓州都督雍州牧魏王及懷鏡食而不進云云知即此記也

金石遺文記唐魏王泰為文皇后造像記在龍門山隋書殘缺又新唐書武宗時司功參軍王有口龍門山造像記楷書又石龕碑楷書開元口年正月正

鐵大夫行內侍省李下賤缺 金石錄偽周整  
法師龍門石龕像碑僧波希撰表元慈正書

思順坊老幼造彌勒龕記 貞觀二十二年

洛州刺史賈公清德頌 永徽口年正書

太平寰宇記集錄碑在河南  
縣西修行寺永徽初立二碑

金石錄唐史循吏傳賈敦願敦實相繼為洛州刺史長史有惠愛郡人皆為刻  
石號棠棣碑今敦實之碑以吳此碑載初除洛州制書有云三川之境是稱都  
會六條之寄尤屬時英蒲州刺史賈敦願體業強正識用俊敏茲其名乃敦願  
也又武后實錄敦實傳中亦作敦願以此知唐史傳寫之誤又按法書要錄此  
碑王知敬書以知敬所書他石刻校  
之字畫不類未知果知敬所書否也

碑刻紀存洛川長史金石錄作洛州刺史在修行寺東南字  
體峻利豐美宋牧仲先生家藏一本有元時翰林國史院印

金剛經 龍朔三年楷書

碑刻紀存邵陽諸千峯本載唐金剛經在寺南十餘步內侍省功德碑開元口  
口年御製經書在佛龕北邊向南徐浩號國公碑在內侍省碑之西隴西牛氏

碑無年月錄者  
與徐碑相連

### 洛陽令鄭敞碑

久視元年薛稷撰并書

碑云公儀鳳三年十一月終於萬年縣之來庭里第  
大周以視元年六月遷定於洛陽北邙山之平樂原

企薤琳琅碑稱敞上世皆為顯官而敞為令綽有政績惜乎唐史無傳稷撰此  
碑在武氏久視元年故碑中字如也作塋天作而人作至臣作恩國作囧日作  
○年作車之類皆武氏所製當時臣子用之  
非天子不考文此亦可見武氏僭竊之罪

### 河間丞崔君神道碑

張說撰

張燕公集君諱濟長安三  
年葬金谷鄉邙山之陽

### 涅槃經

金石補遺殘缺大小五及無年  
月內有武后所製字在龍門山

### 新鄭郡君鄭氏碑

八分書未詳何人

福先寺浮圖碑

神龍元年武后撰武三思正書

集古錄韓退之題名在福先寺塔下當時所見墨蹟不知其後何人模刻於石也

按金石志福先寺碑

皇甫湜撰或又一碑

洛陽令馬克忠碑

景龍三年張說撰盧藏用八分書

贈隴州刺史王行果神道碑

景龍三年李邕撰

洛州長史盧公善政頌

景雲二年撰久姓名殘缺補說八分書

郭府君誌銘

景雲二年

金石補遺在縣十里

鋪史家灣王姓家

內侍省功德碑

開元口年柳制表御書

謁玄元廟詩

玄宗撰并書



集古錄玄宗所書鶴鳴頌與此字法正  
同在北邙山上洛陽人謂之老君廟也

光祿少卿號縣開國子姚公碑

開元五年崔口撰徐浩之書

金石補遺碑在

洛陽許家塾

開府儀同三司上柱國梁文貞公碑

開元九年奉勅撰

張燕公集公諱元字元之北海人也自吳興徙徙於陝今家洛陽

開元九年薨東都之慈惠里十月二日葬於萬安山之南原

常熟令郭孝子墓銘

開元九年孫翌撰并書

金石補遺石在洛

陽城內董金甌家

號國公造像記

開元口年徐浩行書

金石補遺在內侍省

功德碑西五步許

奉先寺石佛座碑

開元十年

金石補遺作河洛龍門  
山六廬舍郭像龕記

古東城碑銘 呂溫撰

鄂州刺史盧府君神道碑 開元十口年李邕書

金石補遺唐李北海書  
盧鄂州碑現在許家營

和麗妃神道碑 張說奉勅撰

張燕公集開元十四年寔  
於故都之後邱山之陽

□縣令盧公志銘 開元二十口年魏萬成撰

金石補遺在洛  
陽城西四十里

雒陽縣食堂記 開元二十六年裴總述韓擇木八分書

張說父子碑

唐書張說嘗自製其父贈丹州刺史陟碑文玄宗聞之御書其碑額賜之曰嗚呼積善之墓又玄宗為說自製神道碑文御筆賜諡曰文貞

銀青光祿大夫口公碑

天寶元年李邕撰并書

左金吾將軍范陽張嘉祐墓誌銘

天寶元年柳賁撰

金石補遺石在洛陽南四十

里曹家卽牛王廟內作供几

尊勝陀羅尼經

天寶七載牛口口錄書  
又會昌元年歲次己丑李貞書

金石志牛口口錄

書在香山寺殿上

陳留尉劉飛造像碑

天寶九載史惟則小字八分書

金石錄封演聞見記云玄宗幸驪山登朝元閣命羣臣賦詩正字劉飛詩最清拔特蒙激賞右相李林甫怒飛不先呈已出為一尉而卒士子冤之今此記有云頃校文金殿賡歌相梁叨沐錦木之賜遂有長沙之役又云聖恩廣被移官大梁林甫陰懷如此記在洛陽龍門山字畫甚工而世頗罕傳

張禪師義琬塔銘

大歷三年在龍門山乾元寺東壁

左武衛郎將元府君夫人鄭氏墓誌

大歷四年鄭涼撰并書在縣南草店鎮

太原府司錄盧府君墓銘

大歷十年遺孤盧杞撰并書

大歷十年具官名氏

李陽冰篆

右僕射裴遵慶神道碑

大歷十一年楊綰撰盧曉八分書并篆額

金石錄唐書列傳載遵慶所歷

官甚簡略以碑考之史多闕誤

府志神道碑云唐故尚書僕射贈司空裴府君名遵慶字少良

聞喜人卒葬於萬安山之舊塋碑係隸書可讀者十分之七

杭州錢塘丞殷君夫人碑

顏真卿撰并書四面刻字

金石補遺四面環刻字徑三寸碑書第十三姪男上柱國魯郡開國公真

卿撰文并書年月缺在河南府學道居寺天王殿前新自地中掘起者

贈太傅董晉神道碑

貞元十五年權德輿撰

陸翰妻河南元氏墓銘

永貞元年元微之撰

長慶集葬於洛陽之清風郡平  
樂王之北邙原從祖姑兆上

河南府同官記 永貞元年韓愈撰

朝請大夫鄭府君碑 元和二年韓愈撰

金石補遺碑在許家  
榮東十里許老莊

處士盧君墓銘 韓愈撰

昌黎文集處士諱於陵元和二年九月其弟  
渾以家有無窆以車一乘於龍門山先人兆

左千牛韋珮母段氏墓銘 元和四年元微之撰

長慶集葬河南縣  
龍門鄉之午橋村

緱氏主簿唐充妻盧氏墓銘 元和四年韓愈撰  
在大石山

乳母李墓銘 元和六年韓愈撰  
在縣北三十里

殿中侍御史李君墓銘 韓愈撰

昌黎文集君諱虛中元和八年十月戊申葬河南洛陽縣

商州刺史董溪墓銘 元和八年韓愈撰

溪丞相贈太師罷西公晉弟二子葬萬安山下太師墓左

河南司錄盧公夫人崔氏墓銘 元和甲午竇從直撰公從正書

金石補遺石在洛陽東南五十里萬安山許家塋

監察御史衛府君墓銘 元和十年韓愈撰

昌黎集注府君諱之立葬伊闕縣伊國鄉高都村

秘書少監獨孤郁墓銘 元和十年韓愈撰在甘泉鄉

故相權公神道碑 元和十三年韓愈撰

昌黎文集卷河南北

山在貞孝東五里

關塞山碑銘

白居易撰

贈尚書吳郡張誠神道碑

長慶二年白居易撰

長慶集卷伊

關縣中李原

如信大師功德幢記

白居易撰

長慶集寶曆元年某月某日塋於奉先寺不封不樹不甍不碑惟立佛頂尊勝陀羅尼一幢幢高若干尺圍若干尺六隅七層上覆下承佛儀在上經咒在中記續在下皆師所屬

聖門人奉遺志也

修香山寺記

太和六年白居易撰

長慶集予與元微之定交於生死之間微之將薨以墓誌文見託既而元氏之老狀其威儀與馬駿帛泊銀鞍玉帶之物價當六七十萬為謝文之費予念平生分贄不當納往返再三違不得已

迴施茲寺凡此利益功德應歸微之

金石略白居易重修香山寺詩賀拔  
基書 按墨池編作賀賦甚書誤

香山寺八節灘詩

白居易書

磐石銘

太和九年白居易撰

長慶集山客贈于磐石時屬炎暑坐卧其上愛而銘之銘曰置之竹下風  
掃露滴坐待禪僧眠留醉客清冷可愛支體甚適便是白家夏天蓆席

禪德大師照公塔銘

開成四年白居易撰

長慶集開成三年冬建於龍門山報年六十三僧夏四十四明年弟子清問等  
空而塔焉銘曰伊之北西洛之南東法祖法孫歸全於中舊塔會公新塔照公  
亦如典禮  
附於本宗

香山寺經藏堂記

開成五年白居易撰

太子少傅右僕射白公碑

大中三年李商隱撰白敏中書

舊唐書會昌中請罷太子少傅以刑部尚書致仕與香山僧如滿結香火社大  
中元年卒遺命不歸下邳可葬於香山如滿師煬之側家人從命而葬焉



右僕射贈司徒周公墓銘 大中六年杜牧之撰

杜樊川集大中六年壬申二月十二日歸葬河南縣穀陽鄉立行里

右僕射渤海高元裕神道碑 大中六年柳公權書并篆額

金石續遺在洛陽南三官田田間新於土中掘出

鄭州鄭使君誌銘 大中六年王式撰

潛溪記 唐憲八年杜金裝撰 二卷 無卷名

金石錄潛溪在洛陽龍門山側池有溪谷之勝舊為宰相李衡別墅宣徽購得之加葺治焉

香山寺金字波羅碑

香山寺李勣等題名

郭府君誌銘

金石補遺在洛陽東十里鋪史家  
灣王氏家賣於洛陽董金甌家

邛州刺史狄公碑

金石補遺在洛陽平  
樂邨北五里雙碑凹

後周匡國軍節度使白公神道碑

金石補遺在河南府西北  
三十里喬家凹西田間

宋功臣石守信墓碑

撰書姓名未詳  
在邑西北石碑窪

西京白馬寺碑

燕易簡撰并書只存上截

呂文穆公神道碑

咸平六年富弼撰

伊闕銘

真宗御製 大中祥符四年

陸天錫龍門記伊闕兩所舊有八寺無一存但東崖嶺有聖石址兩區  
餘不可辨有數石碑多仆其立者僅一二所刻皆佛語字剝落不可讀

河南府司錄張堯夫墓埒銘

明道二年歐陽修撰王頤隸書

歐陽文忠公集堯夫諱汝士明道二年卒塋洛陽北邙山下尹師魯誌其墓歐陽修為之銘乃得金谷古埒命太原王頤以丹為隸書納埒中以其葬之速也不能刻石嘉祐二年其子吉甫山甫改葬

伊闕之教忠鄉積慶里修又為之撰墓表

嵩陽開諸墓石有一人製序一人製銘者如尹師魯序張堯夫墓而歐陽為之銘

重修淨垢院記

歐陽修撰

記云淨垢院在洛北廢最其無刻識不知誰氏之為傳坊其渠曰長興四年建丞相彭城錢公鎮洛之明年修舊起廢歐陽修為記洛陽知縣李宗傑刻石

楊凝式長壽甘露兩壁題字

寶元二年

尹和靖集楊凝式墨蹟甚多在洛陽城佛寺中今存者廣受長壽天宮甘露興教凡六處皆題於壁距今踰八十年字頗缺落不可辨者十有三四天王院僧繼明擇字之最完者得長壽甘露兩壁總八十七模刻於石

資政殿大學士范忠獻公墓銘

范仲淹撰

范文正公集慶歷紀號之六載其月日葬於洛陽之某原某里公諱雍字伯純諡曰忠獻

### 學士楊次公墓銘

皇祐三年歐陽修撰

歐陽文忠公集葬於洛陽

縣宣武管平洛鄉先塋

### 范文正公墓銘

皇祐四年富弼撰

### 資政殿學士文正范公神道碑

至和三年仁宗蒙額褒賢之碑歐陽修撰王洙八分書

歐陽文忠公集皇祐四年五月甲子薨於徐州十有二月壬申葬於河南尹樊里之萬安山下

舊本跋云司馬公記聞景祐中呂許公執政范公屢攻呂短坐落職會許公復相言於仁宗曰仲淹賢者豈可但除舊職即除龍圖閣直學士陝西經略安撫使又蘓文定龍川志文正自饒州還朝出領西事恐申公不為之地乃為書自咎解仇而去故歐公作碑有二公晚年驩然戮力之語又邵氏聞見錄當時文正子堯夫不以為然從歐公辨不可得則自削去驩然戮力等語公不樂謂蘓明允曰范公碑為其子弟擅於石本改動文字令人恨之

### 文潞公先塋碑

嘉祐元年

盤尾集宋路國文忠烈公先塋石刻皇祐三年七月中書門下牒後列衛  
者三戶部侍郎叅知政事高若訥工部侍郎叅知政事劉沆禮部尚書文

范忠宣公神道碑

畢仲游撰

嗜退養語存范忠宣薨朝廷賜墓碑額曰世濟忠貞唐君先塋表其居曰忠直坊  
范公子正平正思請曰上賜刻於崎首揭於墓豎若施之康莊以為往來觀非  
朝廷意也先祖先人功名聞於遠邇  
何待此而顯流俗所尚識者所耻

太師中書令程文簡公神道碑

嘉祐四年歐陽修撰

歐陽文忠公集琳有勞於國家乃大  
書曰旌芳之碑又詔史臣為之銘

按文簡嘉祐二年葬河南  
伊闕其原文忠為墓誌銘

伊川丈人墓銘

治平元年陳瓘撰

宋文鑑邵堯夫父諱德新隱居潁川山往來洛陽自號伊川  
丈人銘曰世范陽家伊川卒十月葬之未神陰原西南

虞部郎中李漢臣墓銘

熙寧二年司馬光撰  
在賢州鄉

右諫議大夫呂誨墓銘

熙寧四年司馬光撰

司馬溫公集獻  
可葬伊闕先塋

邵康節先生墓銘

熙寧丁巳程明道先生撰

文潞公先廟碑

元豐三年司馬光撰

富鄭公神道碑

元豐六年蘇軾撰

蘇文忠公集葬於河  
南縣金谷鄉南張里

嘗退菴語有歐陽文忠欲不次用老泉富彥國獨難之卒不大用後富紹庭欲  
從東坡求神道碑記自以為嫌勉強試求忽欣然應命文章千古自應開誠  
直道不以愛憎置懷然人  
子善體親志恕不宜若此

程明道先生墓表

元豐八年正叔先生撰

表云先生葬於伊川瀋國太師題其墓  
曰明道先生弟頤序其所以而刻之石

朗然子劉希岳悟真詩

政和元年立石後燬於兵

金天德二年道士張道冲重刻孫光道全齋書

金襃賢顯忠禪院重修法堂記

皇統七年蔡如撰并書

范文正公遺蹟褒賢寺在洛陽文正公忠宣公墓在其地是寺為奉祠之所內有仁宗所篆褒賢碑

譚先生白骨詩

大定癸卯程發書上有圖

紫虛大師墓碑

正大口年元好問撰

元遺山集高峯子諱道顯出於文登于氏遷洛陽得劉甘為墓葬之是為周生親正大中撰墓亳州太清宮賜紫虛大師衛致夷以其年月日葬師於洛陽

觀

元河南行省增修堂廡碑記

至元三年吳炳撰

千戶所廳壁記

姚燧撰

十賢祠記

吳敬撰

伊洛五賢祠堂記 大德戊戌王暉撰

梅花堂記 熊正德撰

九先生像贊 大德三年吳澈撰周恒書  
在安樂窩宋九賢祠

明修范文正公祠記 洪武四年徐溥撰

四賢堂記 景泰間劉定之撰

伊洛書院記 成化庚子胡謐撰

九先生圖說 萬歷甲辰方大美書

附水經注柏亭東北三王陵有碑錄赧王以上世王  
名號汝水逕石碣東柱側刊云河南界又一碣題云  
洛陽南界不知何代所表河之南岸有一碑北面題



云洛陽北界上舊有河平侯祠祠前有碑今不知所  
在洛陽伽藍記洛陽令楊機清德碑陽渠石橋有四  
柱在道南銘云漢陽嘉四年將作大匠馬憲造景明  
寺邢子才碑文大覺寺溫子昇碑文洛陽名園記大  
字寺中白樂天石刻存者尚多金石略唐張懷英碑  
真堂記中書侍郎兼黃門侍郎同三品孫公碑薊州  
刺史靜塞軍使張公碑太子賓客贈尚書孔府君碑  
徐武臣碑廬州司馬劉府君碑秦公碑贈太子少師  
崔公碑伊州刺史衛府君碑泉府君碑隨州錄事參  
軍狄公碑竇公碑俱在西京金石補遺唐銀青光祿

大夫口公碑天寶元載李邕撰并書通志載漢李尤  
洛碑銘府志載唐姚崇墓志相傳在萬安山范文正  
公墓旁有碑三十七邑志宋趙從約追悼其父以神  
道碑請於朝仁宗題額曰顯先積慶之碑元洛陽令  
李純忠義碑今不可攷

### 偃師縣

漢廣野君酈食其廟碑

水經注陽渠水東流逕漢廣野君酈食其廟南廟在北山  
上成公綏所謂偃師西山之廟有碑文字剝缺不可復識

王子喬碑

延熹八年蔡邕撰

蔡中郎集道家言王氏墓荒而不祠歷載彌年永和元年當臘之夜上有哭聲  
音甚哀附居者聞而怪之明則登其墓察焉洪雪下無人踪見一大鳥跡其後

有人著膝冠大衣杖竹策立家前呼稚孫子尹亮謂曰我王子喬也爾勿復取  
吾先人墓前樹也須臾不見時令太山萬靈造靈廟以休厥神延熹八年八月  
東萊王章會長史邊  
乾樹立石紀遺烈焉

司空密陵先侯鄭廟碑

晉城門校尉昌原恭侯鄭仲林碑

泰始六年

水經注王莽中亭即緹氏城也休水原逕其城西南是司空密陵先  
侯鄭廟碑文缺不可復識又有晉城門校尉昌原恭侯鄭仲林碑

右軍鄭烈碑

太康四年  
在緹氏

元魏王子晉碑

延昌四年

唐孝敬皇帝睿德之頌

高宗行書飛白題額

府志唐敬宗陵在景山上號恭陵有高宗御製功德紀及御書碑按高  
宗太子和追諡孝敬皇帝非敬宗也敬宗後高宗九世去來久不可信

三藏聖教序

顯慶二年王行滿楷書

金石補遺石刻在  
偃師縣店北寺前

偃師令崔府君清德頌

崔融撰

昇仙太子碑

壁歷二年武后撰碑陰上截薛曜書武后詩中截薛稷書從臣

金石錄昇仙太子者王子晉也是時張易之昌宗兄弟方有寵諛諛者以昌宗為子晉後身故武后為其祠親銘而書於其碑宣淫無耻可發萬古一笑  
石墨鐫華武墨淫橫千古而亦假借柔翰天之生才於彼何其不靳也此文未必真出后手當是北門學士語碑首昇仙太子之碑六大字飛白書作鳥形亦佳飛白書久不傳於世此其僅存者耳

邑志則天后昇仙太子碑記及宋謝緯修大殿記碑多古名人題咏俱燬於火

周公祠碑記

開元二年賈口義撰

左驍尉大將軍趙元禮碑

開元十五年潘肅撰陸堅八分書

徐嶠之碑

天寶八年李邕撰李季浩正書

萬年令徐昕碑

大歷四年韓雲卿撰韓擇木八分書李陽冰篆

彭王傅徐浩碑

貞元十五年張式撰次子峴書

右僕射王光謙碑

貞元二十九年

顧少連碑

張弘靖書

金石錄顧少連謚議正書

無姓名元和元年五月

左拾遺竇叔向神道碑

元和三年羊士諤撰趙孟書

金石補遺在蔡

莊廟內作供几

左常侍李衆碑

元和十三年李絳撰裴潯書

裴氏祖德碑

曾孫潯撰并書

國子司業竇公墓銘

長慶二年韓愈撰

昌黎文集公碑年葬河南  
偃師先公叔向尚書之兆

歙州刺史邢羣墓銘  
太和口年杜牧之撰

太師崔陞碑  
會昌元年劉禹錫撰柳公權書

贈太尉李固言碑  
大中六年李珣撰從姪儔正書

鄭畋謁昇仙太子廟詩  
乾符四年正書無姓名

禮部尚書許康佐碑

金石錄書撰  
人姓名殘缺

崔邸碑  
李則書

趙昌碑  
歸登八分書

洪州錄事參軍趙道光碑

墨池編唐繼氏趙  
道光碑齊抗書

江陰令武登碑  
長慶三年子儒衡撰并書

裴曹碑  
趙博立書

宋重修昇仙太子殿記  
明道二年謝絳撰

會聖宮碑銘  
景祐元年呂仲元撰

志載元祐九年建宋臣石中  
立撰文或係重修為文以記

崇信軍節度副使尹公墓表  
至和元年韓琦撰

顏魯公碑陰  
朱芾撰并書

廣輿記顏真卿墓王保師碑陰刻米芾書云公之使貽也謂饒者曰吾昔江南  
遇道士陶八入授以刀圭碧霞服之可不死且云七十後有大厄當會我於羅  
浮後公葬偃師北山有賈人至南海見道士奕託書至偃師顏家  
及造訪則墓也存家蒼頡識公書大驚家人卜日開墳棺已空矣

浮邱公廟靈泉記

政和二年張挺撰

說高在緱山政和二年夏六月有泉出  
浮邱廟庭下能愈疾求安令張挺記之

金修王弼墓碑

明昌四年

陳思忠記城東三里有冢巍然南百餘步石表在焉已顛仆斷缺辨其文為王  
輔嗣先生墓乃金忠顯尉行河南府偃師縣主簿兼尉鮮于淵所立時明昌四  
年八月望日也邑令時希顏易  
以貞珉刊著姓氏標其邱壠云

緱山廟石碣

承安丁巳濟南老人書

元御史程君碑

至大七年元好問撰  
志云程氏先塋尚有雷淵王思廉所撰碑

重修宣聖廟碑

延祐丁巳宋湜撰

偃師伯王輔嗣之墓八字碣

元統甲戌吳炳錄書碑陰陳思忠記

附墓銘如昌黎所撰考功員外郎盧東美河中法曹



張圓越州刺史薛戎興元少尹房武權德輿所撰右  
僕射李巽元稹所撰工部員外郎杜甫崔祐輔所撰  
汝南公蔣煥李孝嗣所撰臨洺縣尉清河崔廣盧顥  
所撰許州叅軍盧顥皆在偃師宋謝絳寄梅殿丞書  
過緱氏閱游嵩詩碑邑志首陽書院有宋儒學碑何  
朝何人未詳

鞏縣

唐尊勝陀羅尼經石幢

開元十九年左率府長史王元明立  
在石堂寺即淨土寺

右石幢筆法古勁未詳何人所書計學究以字跡不真用礮灰  
填塞今肄業村童模寫許郡通判程志智命工剔拭仍還舊觀

後唐佛說陀羅尼經石幢

長興三年

宋羅漢寺禪院碑

天聖八年張觀奉勅撰李九思書并篆額

皇從姪衛州防禦使遂國公墓銘

嘉祐五年歐陽修撰

按歐陽公集載皇從姪筠州團練使安陸侯康州刺史高密侯右監門衛將軍廣平侯皇從孫監門衛將軍右屯衛大將軍武當侯右監門衛將軍夫人周氏右監門衛將軍夫人金堂縣君錢氏武昌縣君郭氏東陽縣君鄭氏俱葬河南永安縣修各為撰銘

華陰侯仲連墓銘

熙寧二年

右屯衛大將軍令邦墓銘

熙寧二年

二銘及皇從姪右屯衛將軍士虬墓記溫公集俱在永安縣

淨土寺寶月大師碑銘

紹聖三年李洵書

銅鐘讚

建中靖國元年宋直方撰

金敦請昭公長老祝壽文疏

興定三年李華國書石剝泐

元清河郡侯張公神道碑

至元口年歐陽玄撰

孟津縣

漢孟津碑銘

李尤撰

宋修漢光武帝廟碑

開寶六年賴得祥撰孫崇望書

本朝原熙五十三年邑令郭鉉重鐫橫石十幅

宜陽縣

宋燕堂記碑

明道二年富弼撰陸經書并篆嘉祐七年知縣廖子孟重立

太常博士尹君墓銘

至和元年歐陽修撰

餘冬序錄歐陽永叔為師魯作墓銘與尹材書曰刻石時首尾更不要留官銜題目及撰人書人刻字人等姓名皆以前碑皆不著撰人姓名此古人有深意以遠自知篆蓋祇著尹君師魯四字

金陶公壽堂記

貞祐丙子王廷撰

元重修光武廟碑

至元二年劉傑撰

壽安亭記

至正九年劉傑撰

明重修錦屏書院二碑

一劉敏寬撰一王廷撰

酌水賦石刻

萬歷壬子學使葉秉敬書

附

姚紹祖煙霞亭記亭久圯斷礎在亂石荒蘚中字  
尚可讀乃元人重葺記而經始莫攷

中州金石攷卷六

男守謙

中州金石攷卷七

北平黃叔璥玉圃輯

河南府二

登封縣

漢玉簡蝌蚪書

續文獻通考晉時有人於嵩高山下得玉簡一枚上兩行蝌蚪書傳以相示莫有知者司空張華以問晉書曰此漢明帝顯節陵中策文也檢驗果然

中嶽太室石闕銘

元初五年八分書

金石文字記今在登封縣中嶽廟南百餘步銘八行元初五年四月陽城口長左馮翊萬年呂常始造作此石闕以後列職官姓名共十三行完好未圯而其文剝蝕殆半

說嵩余嘗游關下屢摹榻之自惟中口口至以傳後賢凡八行八分書世傳漢篆而八分書亦復遒勁如此可寶也

金石經眼錄太室石闕在登封縣東八里中嶽廟前百步闕高八尺濶六尺厚一尺六寸刻銘處高八寸濶三尺三寸字徑一寸南向額北向高七寸五分濶八寸字徑二寸六分

按銘詞崇高神君句金石文字記作嵩高按前漢書武帝祠中嶽改嵩高為崇高後漢書靈帝熹平五年復崇高山名為嵩高則安帝元初五年崇高為是說嵩又作帝君口寸起雲句說嵩寸作方聖則肅敬句說嵩肅作齊口誠奉祀句金石文字記說嵩俱作奉起今榻本祇有首行中高三行春生寸起雲濶四行源流竝五行莫不肅八行顯賢九行四陽十行長始十二行川十三行朱十五行臨十八行壽副十九行崇亭蘇監少二十行陽亭部陽陵二十一行卿王二十四行君三十八字依稀可辨額凡九字三行前二行尚存中嶽奉堂陽城六篆字末行三字似磨損

少室石闕銘 篆書

金石文字記今在登封縣西十里邢家鋪西距少室山約十餘里當是漢時廟在其地 葉封嵩陽石刻記曰凡二十一行行四字共六所刻並薛政等與敬母廟同其為一時所立無疑也此闕有銘詞而今僅存二行八字其可辨者五字又云三月三日而上無年云郡陽城縣而上無郎名亦止其上一層矣

金石經眼錄少室神道石闕銘高八尺五寸濶五尺五寸厚一尺八寸刻字處高一尺濶三尺八寸字徑一寸四分此西闕及西側也額少室神道之闕六字

刻於西闕之陰北向刻字處高七寸濶七寸五分字徑二寸三分東闕題名四行行六字高一尺濶六寸字徑一寸二分北向雍正二年雒陽董金甌相函遊嵩山表出之前人俱未及見

銘詞下及右側又額下及題名之上俱鐫刻人物陰陽文不一極古朴可玩

### 開母廟石闕銘

延光二年篆書

金石文字記今在嵩山啟母廟南漢靈帝諱改故字曰開葉封嵩陽石刻記曰今見存篆書三十二行前題名十行行七字內第三行止六字以少室石闕所列官名參考之則此十行之上無闕文也後二銘共二十二行前銘十二行年月一行每行十二字今止存六字後銘今止存九行每行亦止存六字蓋亡其上一層矣後銘視嵩高志所載又闕四句又曰闕式以石條累砌如牆而闕其中石質甚粗劣空地刻襍花紋亦不工細即篆文亦未盡善也予親至廟下視此石闕并叔所謂闕四句者今又得四行二十餘字以文多不能容故轉而刻於其旁仍亡其上一層也

金石經眼錄開母廟石闕銘并季虔銘及東側高八尺五寸濶六尺厚一尺六寸刻字處高二尺三寸字徑一寸八分在崇福觀東廿步許北向

題名在前上段磨滅可辨者一行口口開母廟興二行神道闕時大守三行廷朱龍丞奉四行泉陵薛政五官五行陰林戶曹史夏六行府監掾陳

修長西七行河圖陽馮寶丞漢八行揚冀祕俊廷據趙九行縣戶曹史張  
 詩□十行作據嚴壽佐左福前銘四字一句後銘六字一句侯官李雲龍  
 本較顧亭林本前銘每行多三字後銘每行多二字□□□□□百  
 川柏縣稱遂□□□□□泉浩浩下民震驚□□□功疏河寫立九山頤  
 萊□□□文爰納漢山辛癸之間□□□入寔勤斯民同心濟□□□  
 替又遭亂秦□□□亨於茲馮神彌彼飛雉□□□庭□祥符  
 坤□□□□相□我君千秋萬祀□□□孫念錫銘功昭厥後昆  
 延光二年 重曰□□□□□駐嘉澤溢而溥愛□□□□□致剛文  
 運以消搖□□□□□雖皇極正而降休□□□□□芬茲林於圃時  
 恭化咸來王而會朝□□□□□清靜九域分其修治□□□□祈福祀聖  
 母孝山隅□□□□□而□格登我后以萬祺□□□□□下金石□□□而  
 周極永應載而保之較金石文字記刻本又增四十一字

許由廟碑

潁川太守朱寵立

承露鼎文

延光四年

鼎錄安帝延光四年鑄於少  
 室山其文曰承露鼎小篆書



堂谿典嵩高山石闕銘

熹平四年

金石錄石闕銘云中即將堂谿典伯并熹平四年來請兩嵩高廟按後漢書靈帝紀熹平五年可以正漢史之誤又蔡邕傳注引先賢行狀云典字子度而延篤傳注又作季度今此碑乃云字伯并亦當以碑為証

□季度石闕銘八分書

銘云典大君諱□字季度□□郡主簿作□銘文後舉孝廉西鄴長早終叙曰於惟我君明允廣淵學兼游夏德配□文歿而不朽實有立言其言惟下闕李雲龍云季度石闕即在放母石闕下半刻銘處高七寸五分濶二尺三寸字徑一寸五分十一行行五字余按後漢書蔡邕傳序章懷太子賢注先賢行狀堂谿典字子度潁川人為西鄴長官階相同似是典銘但首行隸雖模糊並非典字延篤傳注或即指此為典字季度耶此銘志錄不載說嵩幾於無徵不搜更於此獨遺何也

弘農太守張伯雅墓碑

水經注張伯雅墓塋四周壘石為垣隔阿相降列於緩水之陰庚門表二石闕夾對石獸於闕下冢前有石廟列植三碑碑云德字伯雅河南密人也

晉九山廟府君碑

元康二年

水經注九山廟有碑云九顯靈府君者太華之元子陽九列名號曰九山府君也南據崧岳北帶洛瀍晉元康二年九月太歲庚午帝遣殿中中郎將關内侯樊廣縱氏令王與傳演奉宣詔命興立廟殿焉

伊闕右壁銘

水經注右壁銘云永康五年河南府君循大禹之軌邵督部辛雅新城令王琨部監作棣董衡李褒新岸開石平通伊闕石文尚存也

按晉永康然一年或是元康

元魏劒銘

刀劍錄道武帝珪以登國元年於嵩阿鑄二劍一銘曰鎮山一銘曰沈水隸書

中嶽碑并碑陰

太安二年

金石文字記魏太武帝目道士寇謙之奏請更造嵩嶽新廟立碑紀事碑中直稱謙之為天師為師君以太武奉道親受符籙故云然字體近拙而多古意中

段刺蝕首尾俱全碑陰復多題字高山  
碑刻自漢二石開銘外無古於此者

### 百蟲將軍顯靈碑

永經注將軍姓伊氏諱益字賸號帝高陽之第三子伯益者也晉元康五年七  
月七日頌人吳義等建立堂廟永平元年二月二十日刻石立頌贊示後賢矣

### 埤浮圖石蓋銘

正書

金石文字記嵩山會善寺掘地得此石蓋銘曰神龜三年七月三日魏故太傅  
侍中太尉公清和王蓋世子元璽字子亮次子元紀字子開奉為建七層埤浮  
圖一區敢用頂髮及諸襍寶上塔追誠崇敬千  
載勿忘謹銘函蓋今存寺中元紀當是元啓

### 跋陀大師碑

### 東魏高陽寺碑

天平二年八分書

金石文字記碑記生禪師造塔及其徒倫監總造二塔事書法不工而碑文可  
讀碑後刻云大唐麟德元年歲次甲子九月景午朔十五日庚申從高陽觀移  
來會善寺立則唐人固以為舊物而環之矣歐趙錄却不載 碑文旁字三見  
曰法身凝冢曰虔禮禪冢曰至冢至妙廣韻冢與寂同葉封高陽石刻集記曰

此碑上着刻佛像雕鏤層疊佛相隆起餘地鐫平文刻於下截當碑四分之一字之上又列空方六寸許深入二寸許規製迥異於後代也北齊諸碑亦率類此

### 北齊在孫寺碑

河清三年

說高碑正面刻佛像碑陰刻大齊河清三年歲在甲申敬造文字剝落殆盡不可揭矣下截埋土中止露其半在村衢

### 碑樓寺碑

天保八年

說高寺內有豫州劉刺史碑天保八年丁丑立刻刻佛像文刻上方字殊鄭劣無佛處鐫諸人姓名俱劉氏名文紀劉碑為首這碑文緣起也俗稱劉碑寺

### 少林寺碑

武平元年

金石文字記正書武平元年正月今在本寺大殿前刻佛像與村里寺碑製略同書法甚劣會善寺大殿前有武平七年十一月造像記其製亦同

### 龍華寺石幢

說嵩測景臺東石幢二刻尊勝陀羅尼經北齊武平元年建寺時立今在寺門荒原

### 梁達摩大師碑

說嵩碑為梁武帝撰志載其文碑不知立何處詳其語意蓋墓碑也

### 法王寺碑

沈約撰

### 荀況鼎

古鼎錄荀況在嵩溪作一鼎大如五石甕表裏皆紀兵法篆書四足

### 唐秦王告少林寺主教

武德四年文刻裴灌碑之上

嵩書碑額隸書曰太宗文皇帝御書已上七字開元神武皇帝書

弇州山人秦唐文皇告少林書書法不甚工而亦不俗當是幕僚筆內世民二字行草是親押耳首有開元神武皇帝書後人所妄加也碑額未知亡於何時按武德二年太宗賜少林寺教八分書金石錄疑後人重書顧亭林云或別是一教

### 金剛般若波羅蜜經

咸亨三年王知敬奉勅書在少林寺殿壁後

金石刻考略是時玄奘奉勅再於東都譯諸佛經佛法方盛天子尚加敬信知敬書此經所由來矣第石質似惡刻亦未精剥蝕太甚存者不及半

少姨廟碑

永淳元年楊炯撰沮渠智烈書

金石錄少姨廟者則漢書地理志嵩高少室之廟也其神為婦人像者則故老相傳云啓母塗山氏之妹也余按淮南子云塗山氏化為石而生啓其事不經固已難信今又以少姨為塗山氏之妹廟而祀之其為淺陋尤甚蓋俚俗所立淫祀也

啓母廟碑

永淳二年崔融撰沮渠智烈書

金石錄按淮南子云禹治洪水通輶轅山化為熊塗山氏見之慙而去至嵩高山下化為石方生啓禹曰歸我子石破北方而啓生其說可謂怪矣然漢武帝幸緱氏至中嶽見夏后啓母石列於詔書則固已信之矣其後郭璞注山海經顏師古注漢書皆具載其語而融又文其事於碑流俗安得不惑乎嵩山志唐高宗幸嵩山勅令重修啓母廟命崔融撰碑銘今無存

永泰寺石幢

永淳二年

說高幢在永泰寺殿庭中東西各一幢八角東幢與西小異刻陀羅尼經字頗漫漶而幢上方刻奉為開元天地大寶聖文神武應道皇帝敬造陀羅尼幢下方刻尊勝陀羅尼經

按金石刻考略永泰寺尊勝咒石幢在寺內庭西  
天寶九載立刻青黎謂西幢即嵩山隱士高岑書

### 天后少林寺詩并發願文

永淳二年

說嵩少林寺武后詩書各一首共一碑王知敬書按知敬  
有奉勅書金剛經在寺壁字多剝落此碑獨完好如新

### 王微君口授碑

垂拱二年

說嵩碑立承天宮西原唐中微隱居太原先生琅琊王微君臨終口授李弟正  
議大夫行秘書少監東宮侍讀兼侍書紹宗甄錄并書筆法遒勁頗類曹娥碑

### 中嶽嵩高靈廟碑

口口壬辰

嵩嶽廟史此碑式度極異篆額下鑿圓孔其取義不可考石為兩日侵灼剝蝕  
殆盡中可辨識者十之四蓋奉勅重修記也文內稱中嶽地理土官之宮應鎮  
星值軒轅其論最有根據碑末口口三歲次壬辰口月丁丑口五日辛丑大  
周聖神皇帝遣金臺觀主馬元貞作功德口口口於中嶽武后僭號大周其為唐  
碑無疑廟碑甚多  
此最近古可寶也

按武后僭位壬辰乃天

授二年今作三年誤

昇中述志碑

萬歲登封元年武后撰相王旦書

金石錄周昇中述志碑武后自撰睿宗書碑極壯偉立於嵩山之巔其陰鍾紹京書字畫皆工妙政和中河南尹上言請碎其碑從之

封中嶽碑

萬歲登封元年李嶠撰

金石略在西京登封相王旦書

金石錄周武后封中嶽碑已殘缺書撰人名皆不可考然於其筆跡皆薛稷書也萬歲登封元年武三思撰薛曜書僅存一數

封祀壇碑

謝絳詩嵩山寄梅賾本書武后封祀碑故存自號大周當時名賢皆不著姓名於碑陰尚虞後代之設其不與也碑之空無字處觀聖俞記樂理國而下四人同游錄刻尤精

說嵩碑在縣西萬羊岡下截三尺餘剝落已盡文義難屬上截應應可摹額云大周封祀壇碑碑內書人姓名模糊並故家有識明時搨本為薛曜書結搨緊密較石亦殊勝又朝觀壇記武后見崔融登封廟碑文嘉之命作朝觀壇記詔刻碑今碑不存而文亦無傳

少林勅文

天冊萬歲二年八分書無姓名



杳冥君銘

神功元年薛稷撰并書

金薤琳琅杳冥君銘集古錄不載歐陽公蓋未之見趙氏金石錄雖列其目而云無書撰人姓名則亦不知其為記也讀陳子昂集見其冥冥君墳記云皇帝目登緹山望少室尋古靈迹得王子晉之遺墟在永水之層曲欲開石室營壽宮庀徒方輿得古藏焉內有甃瓦長二丈二尺闊八尺中有古劍一銅梳一瓦器二又有古五銖錢朱漆片及振撫之應手灰滅即具物備容還定舊壙哀其銘志磨滅姓位不顯乃錫之名曰冥冥君云觀子昂文則墳嘗發於武氏捨而錫之以名亦武氏也但稷云杳冥此曰冥冥蓋杳冥冥無二義也

按杳冥君銘董文敏戲鴻堂帖載之銘詞末題大周神功元年辛丁酉歲拾

觀此記也

潘尊師碣文

聖歷二年王遠撰司馬承貞八分書斷碑久仆邑令施奕簪重立石角破裂

金石文字記碣今在嵩山老君洞南題云弟子中嚴道士猷馬肅書按唐書隱逸傳司馬承貞字子微事潘師正傳辟穀導引術則此碑稱弟子者司馬承貞也唐書猷亦司字

碑陰及左右兩旁刻宋熙寧間崔象之等題名劉几及子姪題名錢待問等題名又劉几題名張增張琬等題名李禹卿題名公度及子弟題名祖無擇題名王紳題名元豐間元聖庾題名元祐間李昂題名李夷行等題名李公弼題名稜試可等題名政和間張口等題名

重修許由廟碑

大足元年武后撰相王旦書

石淙詩

久視元年薛曜書

說高石淙詩序武后自製並侍遊應制詩詩十七首聖製一首薛曜奉勅書刻石淙北崖上崖壁立臨水竭者鑿穴巖體架木為棧以攀之

秋日宴石淙序

久視元年薛曜書

說高石淙南崖碑與北崖工對中隔深淵焉書曰是文刻南崖遊人遙望不得請故世無傳者余集長木為棧至其下命工掘之刻為張易之張易之二字泐去無存北崖應制詩麟臺暨為張昌宗而亦泐其名直天厭其穢漸以風雨抑人惡其汚所以鑿推即全文載高志止開十餘字以今補本校之補識陽城二字餘漫漶者不啻十之三矣

末有宋至和二年范純仁題名熙寧庚戌張增弟琬題名宣和甲辰王績題詩乙巳王仲楚等題名刻於石淙南崖張易之序後王績詩刻范忠宣

題名之上字相  
參互殊不易揭

## 降禪碑

嵩山志大周降禪碑立

於嵩頂李嶠撰今亡

說嵩永叔所見石記戒人游龍潭勿妄語笑以  
驚神龍龍怒則有雷恐數語刻於封禪碑之陰

## 幽林思詩石

韓覃撰

集古錄幽林思武后時廬山林教人韓覃撰余為  
西京留守推官因遊嵩山得此詩愛其辭翰皆不俗

## 少林寺戒壇銘

開元三年張傑八分書

弇州續彙戒壇石為學生張傑書當是時傑應尚少且不以  
書名而筆法老成乃爾又時未盡習帝書故猶有瘦勁意

## 中嶽韓先生碑

開元六年崔叒本撰司馬絢八分書

## 魏國公造地藏菩薩像記

開元口年

說嵩石像銘金石錄載為禮部員外郎張九齡撰今曲江集無此文惜殘缺不完也

### 少林寺賜田牒

開元十一年

金石文字記裴淮少林寺碑陰記有賜田牒無書人姓名蓋當時僧錄賜田牒由上石者也書法修整故自可觀

### 道安禪師碑

宋僖撰并書

袁宏道嵩遊記或壇西南奉註中有開元十五年道安碑廣平宋僖撰兼書云建塔僧破灶損一字蓋神僧破灶墮也塔已荒不可識而碑尚可憫今只存上截可發一歎

嵩陽石刻記表中即謂為破灶墮宋細辨損處下從木不似墮字今碑已於萬歷時雷轟為兩截其下截為上所殘逾二尺許掘地得之文甚模糊不可讀

### 少林寺碑

開元十六年裴淮撰并書

金石文字記碑內王字俱鐫去金正隆一年命公孫大書但有王字者皆立限毀林雖墳墓碑誌並發而毀之前代封爵之碑有王字者多毀仆於此時而此碑以梵力獨存乃其間王宮夏王王言等字亦從而鐫去矣

金莊琳瑯達摩為釋氏西來初祖可稱二祖碑雖及其人而惠可立雪達摩面壁皆不之載寺有太宗與僧教書石刻蓋太宗為秦王時寺僧擒王世充以獻故太宗賜書褒美而碑云僧執世充姪仁則以歸與教書不同

弁州題跋裴懿公碑在嵩山而金石錄不載碑辭舊施不可讀而書頗秀勁傳不載階封此書銀青光祿大夫正平縣子亦可補傳之缺石墨鐫華碑首太宗文皇帝御書移寺主并軍民檄下方則裴懿公灌渠述并書灌此文殊不及書書法秀勁其得意處漸升伯施之堂矣

### 盧鴻四銘

集異記開元中隱士盧鴻凡有異境皆勒銘其最妙者玉女石雞鳴峯望都峯中天池此四銘也今俱不知所在

### 閒居士珪禪師碑

開元二十三年

說嵩宋儲有嵩山珪碑

師碑傳於世字不甚工

### 潁陽觀碑

天寶五載張衆撰史惟則八分書

### 景賢大師身塔石記

開元二十五年

說嵩塔在會善寺題為唐景賢大師身  
塔記右拾遺泰山羊俞撰沙門溫古書

### 嵩嶽寺碑

開元二十七年

集古錄碑唐涇州刺史李邕撰胡英書英之書世所重也其文云  
寺後魏孝明帝之離宮初名閑居寺仁壽二年改為嵩嶽寺也  
說嵩金石略曰嵩山寺碑頌胡莫書即此碑也歐陽氏曰胡  
英鄭氏曰胡莫又一碑而金石略兩載之鄭氏亦有失考者

### 穎考叔碑

開元二十九年劉棻撰李琚八分書

按說嵩分廟碑墓碑又考  
叔故里碑俱未詳何時立

### 崇福觀主魏尊師碑

開元二十九年裴炫書

金石錄宋道撰八分書姓  
名殘錄金石略作裴書

### 大照禪師碑

天寶元載李邕撰并書

金石文字記大照名普寂大逆秀之嗣去達摩七世是名北宗門庭甚盛所謂  
兩京法主三帝門師者也碑當在嵩嶽寺今不存拓本乃刻者不遠雲煙

龍亞於  
安羅耳

六研齋二筆金陵俞仲茅云此書自唐以來即為高麗所藏以故絕無宣和政和等寶羣玉秋壑等印及蘇米等跋神廟末年一弁得之平壤後留余處世傳北海石本婆羅雲慶率以宕逸取奇與此絕不類乃知古人勝處初不可以一逆取也

金石志載入

陝西長安

### 嵩陽觀聖德感應碑

天寶三載李林甫撰徐浩八分書裴迴篆額寬七尺長丈三尺

兗州山人彙頌為右相李林甫撰蓋玄宗今方士煉大還於嵩陽觀六轉而移煉藥氏山太子廟九轉而林甫紀其瑞者也書為徐浩古隸與帝隸法絕相類雖以肉勝亦自有態可寶也

石墨鵞華碑作於天寶三載是時開元之政已敝而林甫以姦佞為詞本無足採但浩分隸與史惟則輩幾欲伯仲矣冉觀祖述嵩山書院記門之右穹碑屹立讀其文乃李林甫頌明皇升成事或曰碑宜燬或曰徐浩八分書有桐華者姑存之余曰存之宜也而不必以浩書蓋唐時此地為天封觀羽流居之今為生徒雲集讀書談道其中不讀是碑無以知此地之辱於昔而榮於今也

說嵩徐浩所書聖德頌止此一碑而金石略兩載一曰天封聖德感應頌一曰嵩陽觀紀聖德感應頌蓋失考矣

碑陰刻宋熙寧辛亥張琬等題名宣和己巳盧溪傑等題名景宗易宗伯謂盧書秀逸有法為宋刻之冠

### 淨藏禪師塔銘

天寶五載

說嵩塔在會善寺西塔銘無撰書姓名文字俱未雅馴

### 碑樓寺斷碑

說嵩碑立寺塔東文不可讀後僅存天寶八年等數字寺寂寥之西有石塔塔有石莖高八尺刻天寶八年造

### 靈運禪師塔銘

天寶九載崔琪撰沙門勤口行書碑陰陀羅尼經咒高岑書

弇州山人崇靈運碑者唐崔琪撰末云聖善寺沙門勤下殘缺二字當時僧書耳文淺陋不足道書法絕類聖教無一筆不似

余見北海孫氏廟本前有寺西石塔靈運師墳即梁帝皇廟者也十五字字極蒼秀

### 廣德禪師碑

徐浩書



甘露寺碑 徐浩書

明禪師碑 天寶十載鄭昇之撰徐浩書

集古錄秋暑因  
甚覽之醒然

玄隱禪師塔銘 天寶十一載徐浩撰并書

永泰寺碑頌 天寶十一載僧靖彰撰荀望行書

少林寺還天王師子記 天寶十四載

金石文字記碑載久視年間僧義獎等狀及武后口勅碑小非名筆故諸錄遺之葉并叔官片登封而石刻記亦不載余至少林月行廊廡見此石嵌置東廡壁間至欄得之知考古必須親閱也

永泰寺鐘銘 大曆元年崔巨撰房集書

會善寺戒壇勅牒 大曆二年

東宏道嵩遊記會善寺門之右有大唐二年中書  
門下牒其下勒代宗手勅二十日字無一筆蝕者

金石刻考畧石在會善寺內一碑刻三層  
上刻勅牒中刻王僧乘如謝表下刻祀塔

### 陽城太守趙公奭碑

金石畧韓擇

木八分書

### 大證禪師碑銘

大曆四年三續撰徐浩書

說嵩碑在嵩嶽寺後畝側荒坡中題云大唐東京大嶽愛寺故大德  
大證禪師碑銘徐浩書結構整肅秀逸天然惜剝落已甚文不可讀

### 梵網經菩薩戒品

大曆十三年高堅書  
金石文字記作心地戒品

說嵩碑立會善寺後兩面刻正面分八層兩層分兩半頁每半頁二十一行字  
多剝落碑陰字幾盡僅存年月日袁宏道記曰會善寺古碑完好者菩薩戒經也  
此則中郎遊時碑尚完好距  
今未百年乃遂剝蝕至此

### 修嵩嶽中天王廟記

建中元年袁行儉撰

登封修縣記

貞元八年劉琮撰徐項書

戒壇記

貞元十一年陸長源撰陸鄂書

說嵩在會善寺戒壇代宗勅碑陰汝州刺史兼御史中丞陸長源撰河南陸鄂書袁宏道稱隸法通遼今觀其書雖遜潘謁然筆頗秀健無明皇時肥重習氣

長慶四年甲辰四月七日重結戒壇釋義淨撰銘無書人姓名說嵩作長安甲辰誤戒壇旁刻宋李仔肩宗仲基王通玉王叔敬題名不載年月

顧少連張式嵩山聯句

貞元十二年

少林寺厨庫記

貞元十四年顧少連撰崔旼書

說嵩題云嵩嶽少林寺新造厨庫記時

貞元戊寅崔旼書筆法近拙而頗古穆

大誓禪師碑

元和二年

金石錄張弘靖撰

八分書姓名殘缺

說嵩碑在嵩嶽寺後與大證碑並歌

卧荒坡中強半剝蝕道士盧元卿書

天封觀石柱題名 元和四年

集古錄韓退之題名在天封宮石柱上刻之天聖中余為西京留守推官與梅聖俞游嵩山入天封宮徘徊柱下而去

金石錄韓退之題名在嵩山天封觀柱並退之自書又一本與石洪等題名在洛陽福先寺乃同遊者所書爾

登封尉盧殷墓銘 元和五年韓愈撰

通志盧殷墓

在嵩山下

會善寺記 元和九年王凝撰并行書

說嵩會善寺一碑上半刻佛像下已無蓋似非唐制碑陰隸書乃唐麟德二年亦漫漶不可辨矣

岑禪師舍利塔碑

說嵩碑在會善寺唐太和二年立口口撰高述理書題曰岑禪師舍利塔字漫漶不可讀榻

狀嵩高靈勝詩 太和三年尉遲汾撰

說嵩石在中嶽廟壁題云府尹王侍郎准制拜嶽因崇嵩高靈勝寄呈三十韻  
朝散大夫守衛尉少卿尉遲汾太和三年六月十日宋王紳跋曰余禱雨嶽祠  
獲石於圯墻之下移置壁間庶享丁巳季春月中侍大梁王紳索儀立石

### 少林寺詩

上載太和九年河南尹鄭幹五律詩一首下載會昌五年河南尹  
盧貞題名又開成元年李紳題少林寺詩

### 東巖題名

說嵩在少室積星巖白樂天題名其  
上有詩曰東巖最高石惟我有題名

### 陽城石表

邵寶測景臺考臺有二其南一臺琢大石為之中樹一石碑刻曰周公測景臺  
臺北復有一臺其北之中列石為道石上為二小渠渠側刻尺寸甚精密最北  
一石為小竅二以出水為銅壺滴漏縣志此名觀星臺亦周公所築然其刻尺  
寸所書特今文耳非出於周公歷代律書言尺度者亦未嘗言及陽城測景臺  
尺蓋不  
可信

說嵩告成測景臺石表題曰周公測景臺唐遣太史  
監南宮說刻陽城石表即此字大徑尺亦剝落矣

大智禪師塔銘

吳承嗣書

墨池編碑

在嵩山

潁陽令廳記

墨池編無書

撰人姓氏

中嶽劉真人碑

八分書

石林草堂圖序盧鴻一蓋二名與中嶽劉真人碑所書合真人蓋道合也今碑無存

宋重修中嶽廟記

乾德二年駱文蔚撰并書

說嵩宋初去唐未遠此書雖近拙然瘦朴有骨畧似歐陽率更

重修會善寺碑

開寶五年王著撰王正已書

說嵩此書雖法聖教序然頗散少骨氣

嵩嶽中天王廟碑

開寶六年唐多遜撰孫崇望奉勅書長文餘

兗州山人蔡希康中天王廟碑盧崖州撰有唐季哀舊之風  
孫崇望蓋以毒待詔者運筆固圓熟母乃通微院禮之遺耶

中天崇聖帝廟碑銘

大中祥符七年王曾撰白芻奉勅書并篆額長文  
餘

中嶽醮告文

天禧三年

嵩陽石刻記中嶽醮告文真宗御製翰林待詔賜緋臣劉太初奉勅  
書并篆額刻於石幢八面在中嶽廟峻極門外其書有唐人風致

重修嶽廟碑

乾興元年陳知微撰邢守元奉勅書

嵩陽書院賜額

景祐二年

徐乾學嵩陽書院記書院初自五代周時稱太室書院宋至道祥符中並賜九  
經其時甘露降講堂守臣以聞景祐二年重建改稱今名賜額至全元廢明邑  
令侯泰即故址為二程祠後燬於兵火 本朝邑令葉封築堂三楹祀有宋提  
舉崇福宮程朱而下十四人既而鄉先生耿介復建堂三楹遷二程朱子特祀  
之

耿介嵩陽書院志書院期於宋為兩程子過化之地豈無金石遺文可資采輯而代遠年湮斷碑殘碣與荒煙蔓草俱盡

按中州書院其最著者曰嵩陽曰嵩陽尚有儒林書院在禹州城南二十里元州人楊可道建崇正書院在夏邑縣慈勝寺西潁濱書院在永城縣南南城縣元縣尹張思立建頴谷書院在登封縣西南宋崇寧年建伊川書院在嵩縣治北元延祐間建洛西書院在永寧縣治東亦元延祐間建同文書院在洛陽縣西南諸為書院在嵩陽府許州武安故城之東元至大中建程鉅夫作記陳水書院在光山縣治西光父池為光山令時生光於此後人因構書堂祀光故名顯道書院在上蔡縣宋建祀謝顯道歷年既久學舍鞠為茂草求片石不可得樂育苦心隨時哀歎可慨也夫

### 文潞公題名

說高題刻潞國公文彥博嘉祐庚子三月十八日避張景獻王起陸經從遊此石在嵩陽書院講堂壁潞國公文彥博六字甚大筆頓重拙不知是潞公手筆否

書院石柱刻宋皇祐間上官士衡等題名陳知損等題名蘇舜元題名趙士弘等題名嘉祐間錢家等題名陳知雄等題名熙寧間邢恕題名祖無擇等題名張起等題名焦通等題名陳知儉等題名元豐間東端等題名崇寧間張克家等題名至一寺科題名文及甫題名大觀更至求等題名及



和唐通叟等題名邢儔等題名宣和間何桌題名馬雲夫題名已上二十條刻於嵩陽書院石柱柱八面上蓋下礎當日必有數柱今僅存耳又大觀庚寅張果題名政和甲午康厚題名戊戌王邦等題名三條在書院講堂壁

### 文潞公宿少林寺詩

嘉祐五年燕若口立石

說嵩脩雲館藏潞公書與此不似書史稱其筆勢清勁不愧古人此碑或立石時代書歟

### 真君秘誥石碣

嘉祐五年

說嵩碣云翼聖真君秘誥去執忘貪少思寡欲世短人浮晝夜輪促醉飽腥羶咸壽滅祿秘語靈文謹守莫觸嘉祐五年七月三日崇福宮立石其下刻退之觀三字右石傳梅移置存古書院葉封復移砌嵩陽書院講堂西壁書法誥似顏魯公下鐫退之觀三字必唐時已有其石宋人摹刻之耳

### 陳搏福壽二大字

說嵩在治內賓賓館西壁兩字綫向大徑一尺五寸

### 大理寺丞楊君墓誌銘

嘉祐八年王安石撰

少林寺初祖達磨頌

黃庭堅題并書

頌曰少林九年垂一則語直至如今諸方雖舉左書段諱題額下題實錄檢討  
官著作佐郎黃庭堅書為一行右書張宗著官階立石為一行似字徑四寸餘  
為行  
草體

第一山三大字

朱芾書

考梁武帝第一山帝行書字方六七寸  
奇偉秀麗在肝胎茲此其摹刻者也

真武經碣

元符二年

說嵩碣在嵩陽書院講堂西壁河南宋傳書石上  
方真武像武宗蓋嘉宋書頗似趙文敏佳構也

金壺峯碑

建中靖國元年樓異撰

說嵩碑立金壺峯下宋登封令樓異刻金壺詩於上志載異置何嵩堂於治署  
圖全於屏著太室二十四峯詩少室三十六峯賦並序僧曇潛書并詩殊不  
足觀賦序次詳贖可  
修參攷書亦不惡

按參寥書三十六峯賦極類  
東坡二十四峯詩末之見也

# 面壁塔碣

宣和壬寅蔡京書

都穆游嵩山記達摩庵門外石刻  
達磨面壁之菴六大大字宋蔡卞書

說嵩蔡京碑在少林寺西壁面壁之塔題云太師魯國公京署書宣和壬寅八月資政殿學士河南尹范致虛立石四大字甚佳秦篆古文更月八體一曰大篆二曰小篆三曰刻符四曰篆印五曰蟲書六曰署書七曰殳書八曰隸書署書今楷書也今蟲及二書不用其六體俱存京兼精各體故此稱署書

# 五嶽真形圖

小石明萬曆甲辰霍鵬原圖易碑今大小二石

# 嵩陽觀石柱題名

袁宏道嵩遊記舊志謂石上有韓文公題名歐陽文忠公跋過竟無有偶見石柱上有宋人崇寧三年三月十日觀退之題左方得邢和叔題名右方有云余與子由考試西洛進士畢同遊諸寺最後過天封精思觀道子畫遂行熙寧五年九月十日也不書數又稱子由不以氏語氣酷似大蘇是年子由監試杭州或是西京教授王平甫輩耳

金中嶽廟碑

大定二十二年黃久約撰郭口書寫懷英篆額寬六尺長丈餘

石篆鐫華此碑

又正大己丑重修李字榜撰文

正書方整通約蓋習清臣誠懸而兼運以永興者於金碑中最為妙品書者名郭史不立傳亦無書名現其結構上庭筠筆似不及也當懷英號為能書乃任榮額不任書

知郭書在當時亦自知名

銘是記碑文為黃久約撰書者止云臣郭不著其名

石又完好非泐也書法方整通約大有唐人遺致

修聖竹林寺碑

說高原本釋有提撰碑金大定二十九年會善寺開

居廟在沙門淨法重上石寧陵寺照此所廣真書

修峻極院碑

說嵩碑在嵩頂金時忠公重修上院經過坊紀其事碑今亡殿壁刻

張侍郎行信宅契勘記田宅盡捨於中頂院今碑已殘並洪年月

郭汾陽廟碑

元光二年趙球撰

名山記周敘遊嵩陽略云湧澗岡上有郭汾陽廟廟有二碑其一金元光二年上黨趙球撰云西南岡時出毒霧為災汾陽領兵至此登其上以厭之毒日以

息里人立廟以祀一則緱山陳老  
人所題必宋元顯者而逸其名

興福禪院功德記 正大二年元好問撰

元遺山集興福禪院在登封縣醴泉鄉之西保正大中  
以恩例得今名丁酉之秋見淨文於山陽予為之記

按金亡於天興甲午當  
是正大乙酉非丁酉也

元純孝伯廟碑

至元二年王益撰  
古今碑刻記作王沂

祀嶽廟記

至元丁丑李謙撰

戒壇茶榜

至大二年雪菴頭陀溥光撰并書

弁州山人葉元僧溥光書茶榜其辭紫方袍底語耳不得禪悅真味書法風骨  
頗道勁畧具顏柳及眉山豫章結法惜胸中無死字骨令天趣流動所書官學  
士後贈司徒唐不空  
三藏凡爾無足怪也

嵩陽石刻記至大二年刻於戒壇寺為石四兩面刻凡八幅今移立在城西  
峻極下院其書筆雖過豐而結體道緊有清臣鼓瑟之風書史亦稱其工

裕公和尚碑

延祐元年程鉅夫撰趙孟頫書

石墨鐫華福祿無他異行至贈儀同三司元谷乃爾承旨書不甚如意圖然有之而姿態不足亦不及孫德或御服二碑

銷夏記裕公少林僧也元人贈大司空開府儀同三司追封晉國公宜當日仁虞院司應者皆帶中書銜也碑為程鉅夫文趙孟頫書稍不及他碑或摹刻者不及茅紹之耳

登封縣學記

泰定丁卯吳炳撰

蒲察大使索海市詩

碑分三層刻無年月相傳為邱祖碑題名蒲察大使索海市詩末大書卽立二字無名立字鈴玄門演道口宗師之印

達摩大師碑

歐陽玄撰康里巎書趙世安篆

聖旨碑

金石文字記在嶽廟延禧殿前又有至正四年聖旨碑其文畧同

承天宮碑

說嵩碑內載銜名捕盜官次三官次二官長官先卑後尊不知何義次三次二即主簿縣丞元時命官之不典如此

五祖七真堂記碑

都穆遊嵩山記嵩陽觀中所存惟唐李林甫碑元五祖七真堂記碑

明釐正神號碑

洪武詔去前代封號稱中嶽嵩山之神

列朝祭告文十六通

太祖成祖英宗景帝憲宗武宗世宗

初祖殿碑記

嘉靖三十八年羅洪先撰

面壁菴記

萬曆三年周天球書

嵩山一覽四大字

邢侗書

冉觀祖游嵩頂記游賦梁峽危石巉巖洞穴幽邃室內有邢子愿大書嵩山一覽四字橫為几案無珍惜之者

墨浪石

袁宏道書

游嵩頂記西巖過淺磻下如砥平白石黑理焦錫三示余袁中郎題墨浪石字不及諦視而去

少林寺漢栢詩值雨詩二首

區大相題

游嵩即事詩

萬歷壬寅黃輝題

少林寺道公碑銘

萬歷三十七年董其昌書

嵩陽石刻記道公碑在少林寺按宗伯為當世名筆而此書過於豐腴豈其壯年如是耶

佛偈八碑

董其昌書

說嵩在少林寺殿壁字通四寸蓋寶林所傳般若多羅偈語達摩者也

登嵩詩八首

傅梅題



附

雲笈七籤晉鮑靚登嵩高山入石室見古三皇文  
皆刻石為字靚以四百尺絹為信自盟而受後傳葛  
洪嵩書玉女峯北上有大篆七字十洲記路史謂是  
禹書少室天德峯上石文有天然帝字潁陽西石鼓  
岡傳山上有石鼓鐫刻篆隸之文太室之半有洞洞  
門古刻顏回洞三字述異記魯般刻石為禹九州圖  
在太室山南齊書昇明三年四月滎陽郡人尹午於  
嵩山東南隅見天雨石墜地石開有玉璽在中璽方  
三寸文曰戊丁之人與道俱肅然入草應天符掃平  
河洛清魏都又曰皇帝運興午奉璽獻諸雍州刺史

蕭赤斧表獻之廣博物志嵩陽觀東古柏五株中一株尤大一石刻曰武帝封大將軍抱朴子嵩山有石戶戶外有石柱柱上有偃蓋蜜芝從戶上滴偃蓋中戶上刻石為科斗字曰得服石蜜芝一斗者壽千歲金石畧測景臺記興慶觀主郭元宗碑墨池編會善寺安和尚塔銘無書撰人名氏說嵩唐李北海景福二大字日昃自嶺南摹刻逍遙莊石上寇天師石記上元初有洛州告成縣民得之以獻唐告成斷碑僅存大唐洛州登封縣七字不可榻褚遂良摹碑潘真人頌陳子昂撰觀音像二碑吳道子畫元珪師塔碣

五代郭忠恕懷嵩樓記八分書宋八陵碑今什羅漢  
洞碑崇寧間釋有挺撰王道書登封疆域碑宋勾龍  
廟碑在潁陽鎮蘇軾畫梅在少林寺有二一豎梅一  
懸枝靈芝碑建中靖國元年少林寺生芝刻石輾轅  
關碑金嶽廟圖繪碑崇福宮碑梁宜撰元布袋和尚  
像贊禪燈碑佛跡碑懷孟路總管孫顯墓碑嶽立天  
中碑高丈餘字大竟碑道勁可觀

永寧縣

晉石嶠北山石銘

太康三年

方輿紀要水經注嶠有盤嶠石嶠千嶠之山所謂嶠有二陵則石嶠之山也自  
漢以前率多由此曹公西侵巴漢惡南路之險更開北山高道山側附路有石

銘云晉太康三年弘農太守梁柳修復  
舊道大峭以東西峭以西明非一峭也

唐左散騎常侍王質神道碑

開成二年劉禹錫撰

碑云藝河南府永寧縣

洛川鄉史原從舊阡也

金竹林禪院記

正大庚辰元好問撰

記云竹林寺在

永寧之白馬原

元轉運使薛公神道碑

程鉅夫撰在王范鎮北山之陽

幽巖禪師碑

金石志在

永寧縣

洛西書院記

至元元年程鉅夫撰

新安縣

隋上柱國韓擒虎廟碑

集古錄韓擒虎碑不著書撰人名氏而以隋高祖為今上乃隋人所撰碑文屢有虎字獨於名下去之若避唐諱此不可知也  
邑志宋太平興國六年碑  
題隋上柱國閻羅王之祠

唐處士張海仙誌畧 大曆八年令狐士宗撰

新安令元瑾頌德碑 王筠撰

後漢清河郡太君誌銘 乾佑三年王德成撰

宋萬歲蟾蜍記 政和二年

記云龍洞之津蟾蜍背生芝外長三寸許凡十五葉葉間復有異州紫草蒼翠歲寒不凋樹碑墓谷山下

壽昌縣君誌銘 紹聖二年王瑜撰

邑志錢宣靖公祠久圯明嘉靖間御史宋儀望重修版築之初掘土得石為壽昌縣君高氏誌高為殿中丞錢緯配緯為宣靖公之孫也今新安無錢氏高誌

當在蘇州云云按誌載夫人葬河南新安縣新鄉  
夷子里暖東村村中君之塋則在新安明矣

金威顯廟記

明昌二年馬肅撰并書

元新安尉閻從遺愛碑

北山樵隱何文淵撰

爛柯山鐵斧詩

大德四年張仲壽題并書

洞真觀碑

至大二年張仲壽撰并書

明創修甌城記

萬曆四十六年呂維祺撰

呂忠節公神道碑

吳偉業撰

澠池縣

唐澠池縣復南館記

盧元始八分書

澠池縣宗人為高宗造像碑

神龍元年邵昊撰正書無姓名

鴻慶寺碑

聖歷元年又一碑未詳何代

宋小龍門碑記

至和元年徐無黨撰

澠池新溝記

趙瞻撰

金壽聖院珍公和尚塔銘

大定二十四年沙門孝小師撰李興益書

元昭濟侯獻舞亭記

至元二年雷豫撰并書

廨院寺碑記

至元二年沙門福書

玄帝廟二碑

大德元年劉僅撰趙守玉書又至大二年薛玄撰

創立興國觀碑

大德五年馬光國撰道士完顏王正一書

雷公廟碑

至大二年

飛騎尉洛陽男楊君世慶碑

元統三年李木魯撰張起巖篆額

寶泉寺碑

至正三年

明曹月川先生祠記

孟化鯉撰

玄帝廟碑記

張信民撰

嵩縣

唐元魯山基碣銘

建中四年李華撰刻真卿書李陽冰篆

元魯山琴臺記

大中八年宋瑩撰正書無姓名

元魯山墓銘

天寶十三載元結撰

宋鞠承之碣後題語魯山基碣在陸渾而四里唐人以事辭書系非常謂之四絕碑自五代亂離陸渾縣廢此地蕭條為林莽人跡罕至者數百年始為王氏占籍遂拔榛開路表而出之固已經原燎燬剝裂幾斷讀之十得其三四治平元年秋虞曹王君來治南伊力訪舊本重刊後二年通得之文安宋公家謹畫傳全風烈知在即盡法規模建所石於縣宇又以元次山書撰墓石不存因復刊言於後世庶幾教亦足以見世好所存也



李少尹墓銘

元和七年韓愈撰

金嵩州創修文廟記

明昌五年王世元撰

元勅賜伊川書院碑

延祐三年薛友諒撰趙孟頫書在鶴鳴鎮下截磨損此與裕公碑刻手不工

重修文廟記

至正丙戌曹秉彝撰

張左丞碑銘

王汝撰

明伊川書院記

永樂丙申劉成撰

建元紫芝先生祠碑記

萬曆口年趙南星撰

重修兩程祠記

成化戊戌程敏政撰

陝州

晉張愷碑

金石畧

在陝州

隋老子祠碑

薛道衡撰

州志碑

在州東

唐砥柱山銘

太宗勅

廣川書跋唐砥柱銘貞觀十二年特進魏徵撰秘書正字薛純書其字曰山鏡  
臺就其窪平隨多少置字故不成行序宛轉索於嶽峯間以摩故石雖存而頗  
難得世知寶之唐刻石之文此其最大者也其後柳公權書刻招提今已闕缺  
不可讀惟純所書在濁河間得完蓋篆挈之工不至難於浪射發風雨摧剝尚  
不廢也 砥柱銘其字磊落如山石自開隱鱗而出可以見方丈之勢矣固無  
牽強以成也當時如虞伯施褚登善孰能書者皆避而讓之其後柳誠懸愛其  
書恐失其次第則又書於石後世得純陀所書並生銘者皆碎雜叢疊必按此  
而序之砥柱銘薛純而辦法詎得為薛純陀當為私書省正字本名純陀後以  
純自別於時柳  
於頌書見之

名山記砥柱山在陝州城東四十里黃河中禹貢導河東至於砥柱即此石形  
似柱故名山有三門禹鑿以通河南曰鬼門中曰神門北曰人門故謂之三門

集津有唐太宗所刻銘

石柱銘

裴談撰八分書無姓名集古錄目謂周召分陝所立地界驗其字武后時立

召伯祠堂記

房次卿書

陝州鐵牛頌

賈至撰刻石

雋州都督姚文獻公碑銘

開元三年胡皓撰徐嶠之奉勅書

金石遺文記在陝州

張茅南二里許墓前

文獻諱懿崇父也隋末唐初人仕至

雋州都督開元間崇為相贈諡立碑

盧奐廳事讚

集古錄盧奐廳事讚唐玄宗撰并書奐為陝州刺史玄宗行幸過陝州書其廳壁而刻之

德宗題陝州佛堂院壁詩

帝時為雍王天下兵馬元帥大歷七年陝號觀察使皇甫溫刻

宋清逸處士魏野墓銘 嘉祐八年司馬光撰

佑德觀碑 崇寧元年有混元圖

金寶輪寺觀塔記 僧智秀撰

元葉平山鐵人銘 州牧劉謙云鐵人今在譙樓下其銘不存

鐵人銘序云鐵金屬土其母水其子也故其母鑄成形態若人馬若牛馬牛利涉攻鎮於河人為物重故鎮於岸水得金而不橫土得金而益壯水火或互質馬使子母相顧無尋決潰溢之患因作銘勒石銘有曰惟牛利涉近注鑿鑿人為物室衣冠英英陽若伯仲無異弟兄鑒於土相顧勿驚秦鑄十二漢立修並無益於世旋其推傾豈若二者愈入愈貞載藉字說可知陝名陝从二人意實相并左右對拱人由中行分明夾字取義相形云云按此及賈至鐵牛頌序云頌今德昭歷容真穆如清風散川之貞石或者不察乃求銘于人與牛其亦未寓目於二銘也

明陝州學記 嘉靖十五年許論撰

附 朱樟叱馭集注硤石西泉有小碑題明皇御泉韓

文公硤石西泉詩只疑科斗是蛟龍州志州東硤石  
北仙姑洞前水庄有歸去來兮石渠洞泉八字筆勢  
飛動綽有仙風

靈寶縣

漢函谷關銘

李尤撰

唐函谷關銘

獨孤及撰

夏開龍逢朝碑

吳輩撰又乾元口年張謂撰

寰宇記在靈寶縣西南七里唐太宗東巡

致祭開元十三年立碑今人吳輩之詞

金石刻考畧余庚子夏入秦過函谷關門數步路北山半有開龍逢墓碣僅三  
尺許山頗陡絕又三十年餘壬申春二月再過此碣已倒矣不能登山拜墓後  
愧旅人不能登  
碑惟有一慨

靈寶令李良一作君弼德政頌 李抗撰史惟則書

靈寶令裴璵遺愛碑 天寶中立史惟則八分書  
諸道石刻錄賈逵璵序王誼銘

御題寺德宗詩碣 金大定十六年重立靈寶令許安仁記并書在御題寺

宋建關公祠記 紹聖四年張諤等立石

大觀聖作碑

元重修夏直臣關公祠堂記 大德四年熊正德撰

老子故宅碑 大德六年廉訪使高崧撰虬虛道人王道寧書在道聖宮

明許襄毅神道碑 嘉靖五年崔鉉撰

秦蜀驛程後記許襄毅碑陰載許氏五世譜系又東即  
莊敬文簡恭襄諸公墓鳳巖相望而松楸無復存者

金石補遺許襄毅文簡莊敬墓在靈寶東南三里許墓前詔命刻祭豐碑林立  
不下數十通書法皆極可觀惜匆匆東行未及詳錄以爲憾事又縣東南向

有許氏先祠碑  
正書嘉靖中立

太初觀護經勅碑  
萬曆二十八年立在道聖宮

閔鄉縣

漢太尉楊震碑

集古錄漢楊震碑首題云漢故太尉楊公神道碑銘文字殘缺首尾不完歲月未詳碑陰題名者二百九十人磨滅不完者又十餘人漢碑陰題名或稱故吏門生弟子或稱從事曹掾皆著邑里名字此碑但直書河間賈伯綽之類百九十人皆然疑是字爾蓋後漢時人見於史傳無名兩字者

漢隸字源在陝府閔鄉震以延光三年卒此碑乃震孫沛相統之門人陳嶸等所立蓋在建寧以後也

隸辨額題十篆字為二行字作陰文  
凸起碑式云碑及碑陰有紋如棊局

沛相楊統碑

漢隸字源建寧元年立在陝府閔鄉震墓側碑殘缺集古云失其名字以楊震碑攷之則知其為統碑後有沛君門生知為統碑陰

碑辨額題云漢故沛相楊君之碑八篆字為二行

### 高陽令楊著碑

漢書字源在陝府不載名字按震碑次子讓讓子著高陽令碑又無年號其中云從兄沛相憂去官繼之以不惠慈遺之語沛相以建寧元年卒考之長歷必建寧元年也

碑額題云漢故高陽令楊著之碑九篆字為三行其字作除文凸起

### 繁陽令楊君碑

熹平三年

集古錄碑首尾不完文字磨滅可識者四百三十字不可識者六十一字惜其名字不可見矣

漢隸字源碑前缺二十九字不知其名字存弟富波書之少子也按楊震碑長子宗富波侯相牧子統金城太守沛相以是知繁陽令即震之孫牧之子統之弟也

### 楊氏碑陰



集古錄楊氏墓在開鄉有碑數片皆漢世所立余家集錄得其四震及沛相繁陽高陽令碑并得碑陰題名然得時參錯不知為何碑之陰也其名氏可見者當時皆無所稱述其人亦不足究考

按錄中載楊氏碑陰凡五楊氏諸碑金石志載入陝西並陰謂明統志開鄉不載震墓目從志編入華陰豈志豈可盡信耶

### 唐楊郎中仲宣墓銘

通志在牧馬原唐席據銘云河之靈華之精人之傑國之相年不永位未亨開泉路兮冥冥空歲陰兮岬嶭

### 祥符觀道德經二碑

玄宗御書

### 吏部尚書楊仲昌碑

開元十八年

金石錄楊仲昌碑席據撰鄒繇篆仲昌有两碑其一韓擇木八分書刻於此碑之陰文皆同仲昌元琰長子也唐書元琰列傳與崔沔撰元琰碑皆云漢太尉震十八代孫此碑乃以仲昌為二十代唐世士人諸牒猶班班可考今元琰仲昌父子碑刻不應差其世次不同如此

### 臨高寺碑

開元二十五年常允之撰常選演之書

軒轅鑄鼎原銘

貞元十一年王謏撰表漢篆

邑志唐虢州刺史王謏為銘邑令王億立

碑亡何傾圯碑記荒沒 廣川書跋作王顏

元重修靈濟廟碑

大德八年郭秉仁撰

重修臨高寺碑

皇慶二年邵節撰張繪書

明鑄鼎原黃帝廟記

萬曆三十一年黃方撰趙一元書

盧氏縣

虢州古鍾銘

廣川書跋虢州所上古鍾其高三尺二寸有奇口徑八寸二寸其頂徑一尺六寸銘曰王叔伯高作其字書或不可復識皇祐三年改造

唐虢州三堂記

開元口年呂溫撰述志在靈寶城南四十里

元成德觀碑

未詳何朝

明修學記

成化六年耿裕撰

中州金石攷卷七

男守謙校

中州金石攷卷八

北平黃叔璥玉圃輯

南陽府

南陽縣

漢秀霸劔文

刀劔錄後漢光武秀在位三十三年未貴時在南陽鄆山得一劔文曰秀霸小篆書帝嘗服之

張平子墓碑

永和四年崔瑗撰并篆書

水經注清水又逕西鄂縣南水北有張平子墓東側有碑文字悉是古文篆額是崔瑗之詞盛弘之郭仲產並云夏侯孝若為郡簿其文復刊碑陰為銘然碑陰二銘乃崔子玉及陳翕隸字耳而非孝若墓次又有一碑今惟見一碑或是余夏逕驛途疲而莫究矣

集古錄後漢張平子碑銘刻石為二本一在南陽一在向城天璽中有石班甌直趙球者知南陽縣事因治縣署毀焉豈得一石有文驗之乃斯銘也遂竊於

廟事之壁其文至凡百君子而止其後半亡矣其在向城者今尚書屯田員外郎謝景初得其半於向城之野自凡百君子已上則亡矣今以二本相補續其文遂完而闕其最後四字然則昔人為二本者不為無意矣據徐方回所記二十一字乃趙球所得南陽石之亡者今不復見則又亡矣惜哉

金石錄張平子碑晉南陽相夏侯湛撰議律之說與於西漢之末而爛煨於東漢之世獨平子奮然闢之甚力今湛為此碑乃云金匱玉版之與讖其圖緯之文罔不該羅其情可謂不知平子矣

法書攷張平子碑崔瑗篆法不合說文却可入印全是漢篆法故也

玄文先生李子材銘 永壽二年蔡邕撰

忠文公益州太守朱穆墓碑 延熹六年又朱公叔鼎銘俱蔡邕撰

碑云延熹六年四月忠文公卒於京師五月葬於宛邑北萬歲亭之陽舊兆城之南詞曰我皇悼心錫詔孔傷位以益州贈之服章用刊異器宣昭遺光

南陽太守秦頡碑 熹平二年

集口錄碑首題云漢故南陽太守秦君之碑在南陽署中字已磨滅不可識獨其碑首字大僅存筆畫頗奇偉蔡君謨題云漢碑今存者少此篆亦與今文小

異勢力勁健可愛  
乃皇祐三年也

金石錄秦君碑額文字已磨滅惟其額十大字尚完好名字歲月皆莫可考祁道元水經注載頌墓與碑皆在宜城此碑乃在南陽或是郡人所立德政頌爾

### 長沙太守張璣墓碣

府志仲景先生為涇陽人靈帝時舉孝廉為長沙太守南陽郡東高阜處父老久傳為先生墓與故宅洪武初指揮郭口以建城築衛盡毀古碑墓遂沒於耕牧崇正戊辰園丁掘井丈餘得石碣題曰長沙太守暨聖張仲景墓是郭弁雖什而猶僅存者此也至本朝順治丙申為應鰲求其故碑而石已泐碣已斷矣謀補前石已不可考祐子洪秋昔卓錫此地嘗集碎碑而錄之應鰲廼樹之貞珉并為記於碑陰

### 圉令趙君碑

初平元年

金石錄趙君碑額題漢故圉令趙君之碑而最後題初平元年十二月二十八日立碑已訛缺名字皆不可考所可見者有云郡仍署五官掾功曹州辟從事司徒陽公辟遷圉令播德二城風靡穆清被疾去官年六十有八以中平五年冬十一月卒後有銘詩特完好其辭云天實高惟聖同戲我君羨其蹤體弘仁蹈中庸所臨歷有休功追景行亦難雙刊金石示萬邦其詞頗爾雅故錄之

明統志在舊文宣王廟內字悉隸  
書碑石斷裂所可辨讀者銘辭耳

### 宗資宅餽反篆

宋時耕者得餽反上有宗  
氏千秋四字古篆今無存

### 宗資墓二石獸篆

金石錄漢天祿辟邪字在南陽宗資墓前石獸膊上獸陽公集古錄按黨綱傳  
云資祖均自有傳今後漢書有宋均傳云南陽安衆人而無宗均傳疑黨綱傳  
轉寫宗  
為宋耳

焦古錄云天祿辟邪四字在宗資墓前石獸膊上墓在南陽縣界中沈氏  
中集談云南陽縣北宗資碑旁二獸鐫其膊一曰天祿一曰辟邪明統志  
宋均墓南陽東北古城內二獸古刻天祿左刻辟邪左刻為雷所擊楊應  
奎石獸記云北郭外三里許有冢巍然而陽路有石獸左者次則卧去  
其四足右則折缺中半埋之土中間之土人曰漢宗資墓前獸也故而築  
之細尋其字無有也因以汝帖舊文模而鐫之今墓在城東北三里許

### 司空宗俱碑

金石錄碑云公諱俱字伯儷南陽安衆人也而其額題漢故司空公之碑按後漢書宋均傳均族子意意孫俱靈帝時為司空余嘗得宗實墓前石獸膊上刻字因以後漢帝紀及姓苑姓纂等諸書參考以謂自均而下其姓皆當作宗而列傳轉寫為宋誤也後得此碑並知前言之不謬碑已殘缺不成文理而官秩姓名鄉里特完故詳著之

漢隸字源碑陰額篆門

生立碑人名六大字

隸續正碑甚利減碑背所損却不多上下凡四橫

## 范蠡廟碑

水經注三公城側有范蠡祠蠡宛人祠即故宅也後漢末有范曾字子閔為大將軍司馬討黃巾賊至此祠為蠡立碑文泐可辨

## 魏橫海將軍呂君碑

魏釋故魏橫海將軍章陵太守侯都鄉侯呂君之碑篆額呂君名字皆刻制以黃初二年卒魏隸之佳者惟鍾梁之碑四此刻差勝賈逵劉熹爾

## 車騎將軍黃權墓四碑



水經注豫山南有魏車騎將軍黃權夫妻二冢地道潛通其冢前有四碑其二魏明帝立二是其子及臣吏所樹者也

元魏征東將軍景宣碑

宣拜持節征東南陽太守故南陽立碑

東魏徐穆之碑

武安元年立

隋蒙州普光寺碑

仁壽元年

集古錄蒙州漢南陽郡之育陽縣也應劭曰育水出弘農盧氏南入於沔故後人於育加水為清陽西魏置蒙州碑仁壽元年建猶曰蒙州既而遂改清州矣碑無書撰人名氏而筆畫道美說之志甚益開皇仁壽以來碑碣字書多妙而往往不著名氏

寓居石表記

寶刻叢編芮城縣尉馮禮與書大業中高祖寓居芮城縣之至德鄉大中十三年縣令高玄基立在鄆州南陽縣界中

唐南陽縣廳西墉記

訪碑錄徐方回撰并分書大中十一年立

金南陽靈山僧法雲墓銘

正大三年元好問撰

南陽縣令題名記

元好問撰

元勅賜諸葛書院碑

皇慶四年程鉅夫撰口廣書碑陰布文口設書

明敷教堂記

成化中陳選撰

重修諸葛武侯祠記

弘治戊午李東陽撰又楊士奇撰

前後出師表

正德十六年李島書寬四尺餘

御祭諸葛武侯文

嘉靖二十年

鳳雛臺三大字

萬歷乙巳王任書

張巡鐵鉉二忠祠碑記

王世貞撰

附

水經注消水又西南逕史定伯碑金石志諸葛草

廬唐宋碑未詳書撰姓氏明統志載石礮在府城三

里清水環流為一城之勝其堅完甃石猶在前賢題刻甚多

鎮平縣

宋騎立山龍堂記

乾隆四年石維撰

元重修三潭廟記

泰定二年李本魯撰

劉侯遺愛碑

至元三年李本魯撰

唐縣

漢中常侍樊安碑

延熹三年

水經注湖陽東城中有二碑似是樊重碑云云故吏人曰城之東南有若令樊萌中常侍樊安碑城南有數碑無字漢隸字源延熹三年立在唐州碑後又刻安贈騎都尉詔金石古文漢故常侍騎都尉樊君之碑于遷撰

日南太守胡著廟碑

水經注胡著子珍野都尉尚湖陽長公主即光武伯姊也廟北有石堂珍玄孫桂勛太守瑒以延熹四年於母墓次立石祠勒銘於梁石字傾頽而泐字無數壽張侯樊宏碑

隸釋宏碑在唐州湖陽三五十年来摧枯已漫滅其半矣治平中縣令樂京為之再刻

唐李適之清德頌

開元二十七年蕭誠行書碑陰記呂嚴說撰郭瑾正書

宋刺清德頌

金石志唐人為刺史李適之作宋紹聖元年淮安郡守頓起建堂刻石

明萬歷二十九年知縣黃茂熊葺公廨於縣堂後三楹為戴星堂左為清德堂刺李適之頌於石本朝康熙六年知縣田介清德堂記云寇亂後堂訛毀頌亦無存則知宋石久已漫滅今田介碑記亦亡矣

景陽鐘銘

邑志相傳由唐河浮來重千五百

勅鑄淳熙年造今存南城樓上

附

邑志縣南三家河昔啟土得碑其文曰夫人尹氏  
贈金紫光祿大夫之夫人也宋紹聖間墓碑惜全文  
不傳明邑令黃茂葺文昌祠闢土獲玉石一鐫仙音  
樓三字端楷偉麗縣西里許有龜井產綠毛龜元至  
元四年三部令興順馳驛取龜以進付少監所收牧  
給榜禁約碑石尚存後井涸不復產龜又明蓼王廟  
碑李松正撰

泌陽縣

元將軍王保保墓碑

未詳何代

桐栢縣

漢淮源廟碑

延熹六年王延壽撰隸書無存元至正四年翰林待制吳炳八分書其子嗣昌填墓

隸釋桐栢淮源廟碑今在唐州載延熹六年南陽太守躬何廟事水經云廟前有碑是郭苞立又二碑延熹中守令所造碑云奉祀積絮祿當為壽或之壽此碑文有一正書者如華蓋誤作華豐蓋夜誤作立式凡十數字

吳炳後記漢延熹六年南陽太守盧奴躬奉廟祀為民祈福民用胥悅刻石頌德其辭爾雅韓公作南海廟碑文疑取於此隸書之妙與劉熊碑如一手書風雨剝蝕漫不可讀昔人嘗正書之間有謬誤世君昭謀刻舊碑炳重刻舊文乃以隸釋更定其誤

金石文字記隸釋載此碑缺五字今拓本字盡完好而之淳古之氣蓋唐人重刻者據朱長文碑帖考云是開元時釋曠書

大復山樵樊翰記淮源濟碑余初止得元吳炳書愛其隸蹟之妙正如漢工倣作三代銅玉器製至今日已為法為吳旁一理外地下草不意碑款非近代制亟令教十役起之乃漢舊隸也字畫猶落欲盡然數十字痕亦當日法物其為昭昭不復辨是當與對碑共寶之

隸辨碑式云弁州續蔡云漢淮源廟碑漫漶不可讀杜昭守唐州乃延吳炳恭用漢隸釋書舊文於石而刻之潘耒見吳炳重摹本而誤以為唐人重刻亦失

考一  
甚

按漢隸源碑目云在鄆州天下錄云

在唐州或云在隨州棗陽桐栢鎮

### 都鄉正街彈碑 中平二年

金石錄漢都鄉正街彈碑在江州界故其碑城中文字磨滅不可悉識其歲月  
考可見是歷中平二年正月而書額題都鄉正街彈劾碑其碑文亦磨滅也  
隸辨類題云都鄉正街彈碑六體字者一行按金石錄作都鄉正街彈劾碑  
注魯陽縣有南陽都鄉正街為碑中大縣有南陽都鄉正街彈劾碑以街為街  
路題氏之誤非也周禮里宰以政時合耦於路鄭注云路者里宰治處也若今  
街彈之室疏云鄭以漢法況之漢時正街置室一間彈一里之民年云縣令室  
後乃承昆陽喪亂之餘慈縣役之害臨時募額不煩居民太守東郡王瓌承濟  
陰華林為之立約蓋設都鄉正街彈之室立此碑以為民約非都鄉正姓衛名  
彈也

按水經注澧水西北流逕平氏縣故城東北城內有南陽都鄉正街  
彈劾碑方輿紀要平氏城在桐栢縣西北四十里金石志載入汝州

### 宋淮瀆廟碑 大中祥符七年路振與楊昭虔書并篆額

舟州山人葉大中祥符間修淮瀆廟知制誥路振記之書則待詔楊昭度也二子於名俱不甚傳文審施固其習書法熟於聖教而用筆稍粗充成俗札

### 明淮瀆廟碑

古今碑刻記楊榮撰在唐縣桐柏山

### 鄧州

### 漢蜀郡屬國都尉王君神道

金石錄漢王君神道在南陽按水經注潯水南道側有一石樓制作精妙題言蜀郡太守姓王字子雅南陽西鄂人有三女無男而家累千金父沒當葬三女各出錢五百萬一女築墓二女建樓今此碑後有唐向城令張璿之撰孝女雙石樓記所書與水經注合惟水經誤以都尉為太守耳璿之記天寶七載建

### 尚書令左雄碑

水經注涅陽縣南有二碑碑字篆淺不可復識云是左伯豪碑按左雄字伯豪隸辨疑是左伯桃誤

### 太尉長史張敏碑



魏征南軍司張詹碑

水經注潯水逕冠軍縣故城水西有墓大尉長史邑人張敘碑碑之西有魏征南軍司張詹墓墓有碑碑背刊篆四歐之銘易朽之篆刻蹟不入凡器不勝磨矣後人幸勿我傷元嘉六年大水蠻獫狁掘出說者言前賢金銀銅錫之器不勝雕刻之飾獨然有二朱漆棺棺前書竹簡以金針虛設白粉之言空負黃金之寶雖意銷南山寧同壽乎

晉六門塢碑

太康五年安陽亭侯鄧遵等立

唐五穀大夫碣

開元二十三年鄭建書

按明統志天下金石志俱入南陽云百里墓墓前有七石俗名七星冢有碑在墓左次碑陰刻唐鄭建書

令長新誠

玄宗製劉飛書

金石略

在鄧州

廣武伯李公墓碑

天寶二載

顏母陳夫人墓碑 顏真卿撰并書

辨帖雙陳夫人

碑在河南鄧州

文宣王廟碑 顏真卿書

鄧州城北亭樓記 李陽書

宋菊潭石刻

州志菊花潭在城東門內迤北二十步諸生於其地得宋碑一片鐫菊潭二字  
徑尺餘深五分許鋒銳峻峭有率更至意其小字漫漶不可考僅有武勝軍副  
節度及元祐數  
字思可辨識

賈黯墓銘 治平口年

秘書丞謝師宰墓銘

叙云治平某年某君  
鄧州穰縣五隴山南

金鄧州新倉記

正大八年元好問撰

元鄧州長官趙公神道碑

三十一元二十五年姚燧撰

府志在冠軍城內成都

范鎮公銘太原王珪序

明武德將軍孔侯墓銘

洪武二十九年李賢撰

附

通志百花洲上有召杜生祠碑未詳何時

內鄉縣

漢四老神坐神祚机刻字

諫釋商於農人耕地得之一刻云國公神坐一刻云國公神祚

机一刻云角里先生神坐金石錄云驗其字蓋東漢時書

宋徽宗八行書碑

邑志在保西

峽口巡檢司

浮邱居士窪尊石刻

通志縣北三渡河西半山亭浮邱居士張舜民窪尊石刻在焉

金長慶泉新廟記

正大己丑元好問撰

記云內鄉東鄙有山焉岡巒起伏與浙郡諸山脉絡相屬其麓二泉灌田千畝有奇有龍祠禱之有雨暘之應名長慶泉正大戊子里民作新廟於泉之西南

新野縣

元修漢光武帝廟碑

郝經撰

郝文忠公集初帝與其兄竇武王起兵春陵討莽秉牛而殺新野尉奪馬以戰其後廟於新野歷代祀之經宣撫江淮推本論著繫之以頌昇鄧州道總管萬戶史公勒碑於廟垂示不朽

明修學記

成化六年劉昌撰

浙川縣

漢丹水丞陳卿

一作宣

紀勲碑

建寧四年

府志碑明末祀於河無跡可尋

宋興化寺廊記

明道二年歐陽修撰

歐陽文忠公集寺建於隋仁壽四年號法相寺太平興國中改曰興化由仁壽至明道四百四十四年凡幾壞幾易未嘗有志刻至延熹為此役始求志之

龍巢寺記

通志云城東

歐陽公有記

明重修香巖寺碑

宣德二年胡濙撰金純書

表忠閣碑

歐陽文忠讀書處明萬歷四十四年彭凌霄建閣有記

附

隋浙州南鄉縣塔記仁壽四年立今無攷

裕州

宋仙翁觀記 崇寧三年范致虛撰

大乘山普巖院碑 崇寧五年范致明撰范致君書

明修真武廟記 成化四年李敏撰馬文升書

安侯均田碑記 唐順之撰

重修漢張廷尉祠記 弘治六年楊守陞撰許綸書

重修儒學記 弘治七年劉震撰沈繼先書

附 府志順陽石峽有小茅菴唐時石記猶存州西南

四十里有竇將軍墓墓前有將軍廟碑未詳何代

舞陽縣

唐立舞陽侯樊君祠堂碑 一天寶二載王利器撰史惟則八分書徐浩篆額一裴頴撰唐長孺八分書

宋大觀聖作碑

大觀二年博士李時維書恭京遺額石多泐落

元達魯花赤朶兒別台惠政碑

至正十年王時瑄撰

伯顏察爾去思碑

至正十年馬照學撰

明重修廟學記

弘治十六年重立

舞泉書院記

賈詠撰

五經館記

湛若水撰

修樊侯祠碑記

嘉靖口年張顯撰

記云祠在古城北隅有  
斷碑古篆未詳何代

萬侯報功祠碑

崇正戊寅吳阿衡撰王啟睿集王右軍書今亡

葉縣

# 元魏葉公廟碑

水經注葉公廟前有公子高諸梁碑黃巾之亂廟殘狀頽魏太和景初中令長修飾舊宇後長汝南陳騭以正始元年立碑碑字破落遺文殆存事見其碑

# 隋諸葛武侯祠石幢

開皇壬寅

明牛鳳武侯祠記遊觀山寺有新石幢刻文僅數十字云此地有諸葛舊墳墟在高陽華里後知侯之父若祖自琅琊避地曾寓此地而葬焉躬耕南陽尚在廬後祠而祀之信有白然耳考石幢歲月蓋隋文帝開皇壬寅去先主見武侯於隆中之歲三百一十六其居此地而葬必先十餘年今距開皇壬寅年九百六十一世遠墳沒不知其處所幸祠宇不廢斷石猶存豈偶然哉

# 淮南公墓碑

通志六安寺旁有隋淮南公墓碑寺為守墳設也

# 唐葉縣令宋君遺愛頌

神龍三年

金石錄吳師道撰正書無姓名



宋黃山谷卧羊山題名

金石錄載卧羊山在葉縣之北官道旁石上題名甚多行不足題山谷題在  
山西陽蓋對葉時所題也亦有詩記之文曰黃葉縣西卧羊山道三從後李素時  
維黑宰政庚戌崔源基二歲分刻錢重銀鈞廿九字於石旁時常吐苔兩淋日  
久七百載依然完好無缺版

金重修儒學碑記

趙秉文撰

葉令劉君請減糧額記

趙秉文撰

葉令劉雪卿去思碑

趙秉文撰

金石錄載此碑似元嘉三年石  
理學堂劉君碑從無聞者

中嶽廟記

元光癸未元好問撰

元重修廟學記

至正元年羅光登撰

文廟祭器碑

至正四年俞焯撰

王喬祠記

張氏撰

附長白峻德云雍正癸卯余客大梁晤周在延龍客

出所寶昆陽城磚硯索賦長歌硯銘字兼小篆八分

真東京舊物也

汝寧府

汝陽縣

漢汝陽周巨勝碑

延壽二年蔡邕撰

張明府祠碑

水經注平輿城南里餘有油南世謂之張明府祠水旱之不節則禱之廟前有石碑文字篆隸不可復尋明府名甚字季哲為平輿令大旱嘉祥給自炊

唐天中山三大字碣

旁小字一行周公替洛邑建表測景豫州為天地之中汝南又豫州之中顏真卿書明嘉靖己巳年

重刻在城

北三里

# 平淮西碑

元和十四年十二月段文昌撰陸羽八分書宋知州陳羽磨去仍刻韓昌黎文明正德十五年汝寧守慈縣馮志重鐫在北門外咸

蘇院

曾文蔚淮西碑辨唐憲宗仆退之淮西碑而改刻段文昌也事由石於忠後羅  
隱記石烈士事云石孝忠新節事李愬為前驅元和中天子用裴永初討蔡李  
愬李光顏為重胤皆受節制明年蔡平命吏部侍郎韓愈為平淮西碑中盡  
歸功丞相而愬將與光顏重胤等孝忠大志雖列其碑也力失其節使上聞  
命其獄乎忠何吏陳州知是拉一吏殺之天子責其罪說之學也韓愈曰臣事  
李愬久平蔡之日臣從其軍前如吳秀琳蔡之奸賊也而愬臨之李愬蔡之驍  
將也而愬擒之及元濟受縛雖丞相與諸將軍不能先也蔡平刻石記功盡歸  
丞相而愬名與光顏重胤齒臣所以推去碑也不惟明愬之貴亦特為陛下正  
賞罰之源憲宗既得淮蔡本末遂赦之因名曰烈士後召翰林學士段文昌更  
撰淮西碑後之人隨人刻場光緒路片山斗而毀文昌全不齒亦不足笑也

# 宋張明府廟碑

熙寧五年夏侯心撰

# 元汝陽縣男劉順父子墓碑

府志在府城東南五里石碑尚  
存順子宋文官都總府副使

僉都元帥郭恕墓碑

府志在府城東北三十里  
碑文剝落僅存至元年號

明修府學記

正統四年魏驥撰

汝陽縣學記

成化十六年楊守陳撰

正陽縣

漢黃叔度墓五字碣

唐顏真卿書篆刻失其

元東嶽廟碑記

至大四年張瑄撰

明重修東嶽廟記

萬曆三年范廷芥書

黃先生祠記

孫繼皋撰

上蔡縣

宋彼岸寺碑

東里續編彼岸寺碑在上蔡縣宋直隸時建今剝落多矣不知撰書人姓名中書舍人陳登思孝以篆書擅名於今教稱此碑之善

祖氏先塋芝記

元祐八年春觀撰

淮海集祖氏本幽州之范陽跋實遠祖至道間始來居蔡今汝陽縣陽安鄉十里岡之原則其先人之墓也元豐初有芝數十本產於塋中其後歲歲有之迨今不絕

上蔡先生祠堂記

朱子撰

元東嶽廟碑

王得友撰

明修謝顯道先生祠堂記

呂柟撰

霍慙節公祠碑

嘉靖七年李夢陽撰

附

邑志畫卦臺旁有著草園中築二臺臺上二亭一先天八卦圖一後天八卦圖久廢有蔡邕題畫卦碑舊在南門外今移置著臺

### 新蔡縣

### 楚武王銅鼎銘

水經注銅陽縣故城東北有楚武王家城北祀社里下土中得銅鼎銘云楚武王是知武王墓也

### 漢青陂碑

建寧三年

水經注漢靈帝建寧三年新蔡長祿氏李言上請復修青陂東塘南樹碑碑稱青陂在縣坤地源起桐柏淮川別流還新息牆陂衍入獲信界灌漑五百餘頃

### 元加號孔子祀典碑

大德十一年

### 重修儒學記

至大二年張瑄撰

明建漢太尉陳公廟碑記

萬曆四十七年陳繼儒撰

附

志載晉畢卓故里在銅陽城明萬歷時居民鑿井得甑屋方廣如池有石額題游息書屋四字其額今在居民馬氏家此即畢吏部書屋也旁立碑記土人碎石燒灰無復存者

遂平縣

明修文廟碑

正德十六年五月下已剝蝕

西平縣

漢太尉汝南李咸碑

嘉平四年蔡邕撰

確山縣

宋重修文廟記

延祐七年趙日升撰

元創建文廟記

陳應奎撰

北泉碑記

賀信道撰

府志北泉寺在縣西北樂秀一山之間登嶂周環林木蒼蔚有泉白石竇中出清冽異常即元賀信道家山所在也信道自為碑記

明重修城垣記

正德十三年何景明撰

附

府志載宋鄭恩墓在縣南五里蟠龍山前碑文剥落有廟存焉

信陽州

唐申州刺史李鳳神道碑

輿地碑目在信陽軍郡城東南隅大厯中為申州刺史有神道存焉字漫滅不可讀



古申伯國碑

顏真卿題在城北二十里明嘉靖中知府潘子正立在州西北六十里謝城

方輿勝覽中伯所封之地有碑

明信陽州修造記

成化乙未李東陽撰

信陽州學記

成化十七年劉吉撰

信陽州城碑記

何景明撰

汝南兵備道題名碑

崔統撰

羅山縣

宋散陂寺碑記

開禧三年林時發撰

元修文廟碑記

延祐口年孫恭撰

附

志霸山在靈山之西巖間有霸山二字方丈許不

知何人書何時刻此

光州

梁石柱記

大同七年

與立碑目在

光州普明寺

唐龍飛鳳舞四大字

虞世南書近摹刻失真無足觀在明倫堂前

春申君廟碑

皮日休撰

光州刺史郭道瑜德政碑

宋司馬溫公廟碑

紹定三年葉祐之撰

元重修廟學記

大德十年趙鼎書

孔子新廟碑

至順元年馬祖常撰

司馬溫公廟古柏記

馬祖常撰

王彥和去思碑

元統三年孫昭撰

判官張文通去思碑

至元元年馬祖常撰

御史中丞馬文貞公神道碑

至正七年許有壬撰趙孟頫書

中州文表馬中丞墓在光州西南十五里碑石趙孟頫書不知何人誤刻石五  
六尺厚二尺餘高可丈四五石已斷裂剝蝕不可讀墓二三石亦有碑埋土  
中首微出土上今從者發掘之乃故御史中丞贈德忠宣憲協正功臣河南行  
省右丞上護軍魏郡公益文貞馬公神道三十三字皆隸書大如盞完好無缺  
始知為馬祖常墓無疑因使輩置諸新石為屋覆之復下文於州中加修祀云  
懷賢清溪試初乾獨訪遺踪駐馬鞍雨池新碑苔漠漠雲埋高冢草萋萋漫立言  
有要名應遠後無餘志豈安皇哉白陽愁思惡西風集  
無送秋寒成化乙酉二月十二日劉昌題於中丞墓石後

附

天下金石志漢議郎元賓碑載入光州按金石錄

漢隸字源俱云在今亳州

光山縣

唐煙水堂額

李陽冰篆

金石志嘉熙中

兵火碑半廢

宋中尉令碑

興志元祐八年中尉立上刻令云少

避老賊避貴輕避重去避來今亡

元涑水書院碑記

至治癸亥王緯撰

明重刻蘇軾遊淨居寺詩

嘉靖丙辰邑令沈紹慶刻

附

通志白沙關碑在縣治上有天福年字

固始縣

漢建楚相孫叔敖碑

延嘉三年志作王延壽撰明萬曆四年重募石泐

金石錄漢孫叔教碑陰云延熹二年期思長光視事一紀訪問國中耆老素聞孫君楚時良輔其後懸叙子孫名字甚詳而文字斷續不可次第按期思長光碑陰不載姓氏叙教碑

雖有之然已殘缺矣

與之碑目期思道安廟在同治縣西北七十里昔楚莊王封孫叔敖之子於寢邱建廟期思歲久祠宇毀壞漢延熹三年同治縣令段君復為立祠且刻其事於石碑盡今存元豐八年始以遺愛之碑為額

金石文字記此碑見於水經注言在期思縣城西北同治縣知縣段君廟前碑云楚相孫君諱鏡字叔教馬融曰左傳宣十一年令尹為父嚴城沂杜氏注為父鏡孫叔教也下名鏡

焦氏筆乘賈補之云予得漢延熹中碑書孫叔教漢孟博與史記微有不同而所載歌謠奇曰貪吏而可為而不可為廉吏而可為而不可為貪吏而不可為者當時有污名而可為者子孫以家成廉吏而可為者當時有清名而不可為者子孫困窮披褐而賣薪貪吏常苦富廉吏常苦貧獨不見楚相孫叔教廉潔不受錢味其語憤世嫉邪過於慟哭比之史記所書遠甚

按漢隸字源云孫叔教碑同始令段君祭廟立碑未畢遷長板太守期思縣軍段光刻石隸辨云同始令段君為祭廟屋置石銘碑期思縣宰段光

庶幾兄賢又為刻石期思即今光山縣則  
固始所刻者一碑期思所刻者又是一碑

### 孫叔敖碑陰

碑辨碑式云二十三行二十字相若字平闊穿居三行之內亦各  
廢三字此陰重言段光立碑之事甚詳後歷叙叔敖之子孫名氏

### 宋遺愛廟碑

元豐八年字蹟損壞

### 會景閣記

紹聖初濮溫其撰

### 元建縣治記

馬祖常撰

### 南嶽廟碑記

馬祖常撰

記云汝南民李聚北走京師介昭功萬戶總使府副  
使劉文東御史監勾王珪丐文歸而刻諸廟中

### 文廟二碑

一王元五年思齊恭撰  
一天曆三年傅與礪撰

### 明許忠節遺事詩

嘉靖丙寅楊博書

許忠節謁文山祠詩

方元煥書

附

邑志邑東柏楊里岡有蚊塔順治辛丑塔傾有石  
銘維光州固始縣三善鄉鄒家壠建父母恩重浮圖  
人文繼崇字照洪塔內并堦舍利石擲闔家鐫名如  
後時皇宋咸平四年歲次辛丑二月癸卯朔十五日  
丁巳堦舍利記

### 息縣

漢新息令賈彪廟碑

水經注新息北門內有新  
息長賈彪廟前有碑

隋息州刺史梁洋表德碑

開皇十一年

集古錄隋梁洋德政碑在今蔡州新息隋開皇十一年行兵軍中裴玉與州人為息州刺史梁洋建寶塔表德政碑按隋書志後周於新息置息州至大業中州廢也

唐虞世南攀龍附鳳二碑

字徑二尺

右碑詰構少神采篆刻失真似即明伊陽劉令搆本

宋新息重修孔子廟記

慶曆七年梅堯臣撰

宋文選慶曆七年清和張君伸為是邑修孔子祠及祭器

廣豐陂遺愛碑

治平四年都官員外郎張公開青陂築亭立碑

雷跡碑

廬陵劉遇奇碑記在關壯繆祠下字漫滅多不可讀義亦荒落而不綴連惟是紀其事則在宋元祐辛卯夏月也原其由則因旱魃為虐偶然風雨驟驟也詳其人則舟子張又維舟崖側見有物墜地烈光燿激若有鬼神奔逐之狀也眎其地則大如車輪輪有八輻輻末各分兩歧深入地半寸其草皆如火灼也顯



其戮則是戈陽有遭雷震而背字註  
前生不孝之罪也記之者張君朋也

開元寺鐘樓碑 張傑撰

郝公墓碑

邑志在白亭里文刻  
落惟元豐年號可識

元息州重修廟學記 大德八年張瑄撰

加封至聖詔碑 大德十二年

鐘樓記 至元五年董璋撰

息州重修公門記 至正丁亥熊復撰

三皇廟碑 王思誠撰

關王廟碑 曹明撰

明正學書院碑記 邵光蔭撰

汝州

漢光武皇帝碑

天下碑錄在

汝州汝墳鎮

鄭公碑 史承節書

唐魏杯亭侍宴詩序 久視元年

集古錄流杯亭侍宴詩者唐武后久視元年幸汝州溫湯羣臣應制詩也李嶠序殷仲容書開元中汝州水潦其碑亭碑亦沉沒貞元中陸長源為刺史以為嶠序仲容書絕代之寶也乃為之造亭立碑自紀其事於碑陰

汝州刺史李深遺愛碑 大曆十二年撰人名缺韓秀弼八分書

廣成子廟碑 孫口口書

復黃陂記

侯善祥

集古錄復黃陂記唐侯善祥撰黃陂在汝州汝州有三十六陂黃陂最大泥田千頃始作於隋記云至貞元辛未刺史盧慶能復之碑元和三年建

許由廟碑

楊道振在州西朝漢可移

後梁北樓晚望少室詩

兼竹堂碑目唐胡証詩李諱明梁乾化四年仲春趙鼓重立

後周文宣王廟碑

乾德元年郭忠恕并書

金石錄北記或

云在汝州吳中

宋太史湖記

李為撰在州城內

鄭公堂刻詩

通志富鄭公兩判於汝後守兵部建堂刻公詩於此

送廖參謀詩

茶竹堂碑目唐劉禹錫詩  
宋元祐癸酉秋文大方記

王通叟弔巢父文

宗舜臣刻於許由廟

祈雨文

蘇轍撰在致雨亭

小字松醪賦

蘇軾撰

思賢亭記

劉敞撰志作敬

汝帖

大觀三年汝州守王宗刻

東觀餘論汝刻集古帖及碑中字萃為帖并以一帖省其文別為帖語及強名者甚多如以逸少帖春秋亟為患不得北軍問遠近清和等語乃撻取北軍遠近春秋等字集為一帖強為王行書以續帖中諸縣故佳字強名為王植之書取汝州東漢州輔碑中數字強名為蔡中郎書取衛州魏孝文帝比干文中數行強名為崔浩書如北齊碑便目為溫子昇後魏碑便目為沈法會如此者甚多至若張華帖內襟以贊皇集中王慈字薛稷帖中襟以法帖內子敬字皆集

成之字意全不相屬  
如是者不可具載

石刻刻似汝帖十二段大觀三年己丑八月郭守敬湯王寧刊石宴御之坐帖  
堂第一則金石文八種二則秦漢三國刻五種三則晉宋齊梁陳五朝帝王書  
三十行四則魏晉二人書四十八行五則晉梁陳三帝帖四十八行六則二三  
帖并洛神賦七則南朝十人書八則北朝刻晉書十二種九則唐三朝帝后四  
書十則唐歐虞褚薛書十一則唐六臣書十二則唐延五代諸王七人書二百  
六字每段皆刻汝之郭印豈王敬昌所題標目者殆亦有翻本豈長安然誤其  
謬

余州山人索淳化帖出而其子青景良者為大觀刻汝帖餘或無或下者為汝  
王宋輔遺守汝州徧搜諸碑帖而節取之所留淳化不過十之一且自以險  
急偏傾之勢發之  
石理澁而刻工拙

汝帖舊凡十二卷在州治內則宋趙亂後其 大觀刻汝之年遠近絕承  
祖廣為搜訪移置道署寶館有汝帖房三楹石已壞糊不辨又增十三十  
四二卷范承祖許文秀等用汝帖說記詩跋汝州志云汝帖為歷代名筆  
昔人品古刻為之上中下三等汝帖曰方游錄名為摹勒有司皆之明嘉靖  
間詔毀天下淫祠遂乘此廢去座馬廄中復為祖龍瓦存者十無二三范  
承祖重購汝帖摩自三代以及漢唐盡先賢往哲之墨寶於之貞氏金戈

烈焰之餘已為雲金碎玉索之郡治更遷實購之民無遺  
佚者僅二三而所得者實大遠半矣爰命匠氏移之道署

金修望嵩樓刻李白詩

皇統二年

香遠亭記

大定中宋子初撰在州治後園

登望嵩樓詩

興定四年呂卿雲題

虛舟亭記

正大六年趙秉文撰

萊竹堂碑目

在汝州學

元望嵩樓詩

至正八年程明德題

魯山縣

周魯陽公墓碑

金石志碑

止存四字

漢漢陽侯焦立碑

水經注魯陽縣牛首水

側有漢陽侯焦立碑

吉成侯州輔碑

永寧二年

水經注漢水東逕擊鼓故城水南有苞家冢前有碑頌其數碑風雨多人掘出一鐵筒全甚高半頭云之成一大許作高甚工右碑上刊作許都字其碑云六帝曰后是語是誤

金石錄其一碑和道之所見也其一乃天祿字甚大皆完好可尋章之明云天祿近歲祿為印民所毀并碑雖存然字已殘缺難辨漢碑字源在汝州舊縣云在起興縣水經云漢水南有州苞家冢前有碑詞與今碑同而以輔為世誤其碑辭與今為寶豐縣額題云漢故中常侍長樂太僕吉成侯州君之銘十六字汝注以此碑為蔡邕書乃無所據

按方輿紀要碑城在魯山縣東南五十里其云在汝州在寶豐者皆未攷水經注之誤

衛為碑

水經注魯陽縣有南

陽都鄉正街為碑

晉征南將軍胡奮碑

元和郡縣

志在魯山

南平將軍黃廣之碑

寰宇記云在魯山為討杜曾刻石以紀其事

唐容州都督經畧使元結墓碑

大厯口年顏真卿撰并書四面環書字徑三寸許今在學宮內殘缺

墨池編魯公增書觀元次山銘則淳涵深厚見其紫履之純

明李正儒建顏碑亭記元次山表銘顏魯公筆也舊在青條嶺泉波原聲來橋門不知何時已殘什之二三慶雲禪師構亭棲之

琴臺記顏真卿撰

金琴臺二字

趙秉文書

邾縣



宋蜀岡詞 蘇軾書

金石續錄詩刻在揚州上方寺石已斷余所收乃如縣刻也

安定梁夫人墓銘 政和丙申蘇選撰

今文溯洞集喬休遊蘇墳記墳在小峨眉山左古柏三百本歲甲申卯既盡剪之中為老泉老泉墓蜀元知令具衣冠而成三蘇耳左子瞻右子白或云遺道近俱葬此而無家子由西有同家無題名前墓一碑列四世六公子名僅得筆寄墓等亦無墓墳外二家南一家為盜發俯其穴得誌銘而識之始知為夫人墓骨在野丙戌清明製衣冠而重葬焉夫人顯曾孫適蘇選政和丙申十一月壬寅葬邙城先塋之西南八十步二子曰簡曰策石題宋故孺人安定梁氏墓誌銘適直即管勾成都府太平觀蘇選撰宣義即邙城縣丞范口口書

元蘇墳碑記 貞元元年尚野撰

記云汝州牧元叔儀遺山子也與達魯花赤微理刑判官賈順卿等命工修治為塋窠大字以表墓云

明正德中邑人王尚綱蒼谷於墓前書東坡儼中寺子由是處青山可埋骨他年夜雨獨傷神之句於石明末土寇發冢本朝順治初邑令張鶴

行役為封樹立碑主簿喬結  
又得蘇滬妻梁氏誌銘墓焉

### 二蘇神道碑

題云眉山兩蘇先生神道虞伯生等

池北偶談長公墓汝州郟城釣臺  
卿上瑞里嵩陽峨眉山少公附焉

### 平章政事武惠公祭田記

趙孟頫撰

邑志云元雲南行省右丞哈剌解也墓前碑刻  
祭田記詞首淺陋系趙子昂名殆是偽託耳

### 明刻蘇文忠帖

東坡遊蜀同送叔師奉使嶺表詩墨跡  
邑令張石只得於臨汝市上刻之石

### 何大復帖

大復與周蒼谷為鄰戚有集九梅亭訪九梅翁  
二詩墨蹟九梅翁蒼谷外舅也其家鑄於石

### 三蘇詞記

成化戊戌胡鑑撰

寶豐縣

北齊白雀寺二碑

一天保四年一天保十年

宋孔處士墓志銘

叙云居汝州之龍興山而上塋其親於汝  
嘉祐七年弟鵬墓先生於堯山都官之兆

香山白雀寺石柱

政和五年王貴等建

石渠題名

紹興口年縣令耿宣或携客游石渠題

元建漢膠東侯賈復廟碑

王頤撰

宣慰使咎里赤墓碑

宋民望撰

邑志在三堆山  
下碑記尚存

右丞保八墓碑

邑志在曹鎮  
店只存半碣

### 伊陽縣

唐攀龍附鳳橫幅四大字

虞世南書

明萬曆四十八年永清劉口重刻吳光州

四字  
同

忠孝二大字

元德秀書宋文天祥贊

碑陰百福百壽二周未詳何代何人書末有李文衡重刊

明縣學記

弘治庚戌車重撰

中州金石攷卷八終

男守謙校